

መሕበር መትሰዳዳይ ክፍል-፩ኛ 70 ወ16 ዝክረት 25 ሰነትመደውሻሽ እስትዕማር ለዐይድ

ጀብህት ሸዐብየት ዲብ ዲብ ውሕደት እንዴ አምነ ሰበት ናድለ

ማሕበር ተዓውን ከፈፍል ዴሽ 70 ወ16 ለዐለ ፡ ዮም 23 አፕሪል ዲብ ጀብህት ደቀምሐሬ፡ ርኢስ እስያስ አፍወርቂ ዲብ ሐድረየ ዓደት ዝክረት 25 ሰነት ናይ ደንጎበ መዓርክ ፈቅደው።

ለ” ዲብ ገለድነ ሰበትነ ሐቲ ግብአቱ ሀደፍነ” እበ ትብል ሰቅራት ለትሰርገለ በርናምጅ፡ ከሪ ዕምቦበ ዲብ መቅበረት ሹሀደ ደቀምሐሬ፡ መድሐራትለ እበ መናሰበት ለትሸቀ ተምሳል፡ ጀውለት ዲብ ድፍዓት ወድግም ወቀይ፡ ዕፌ ሰወር ወበርናምጅ ዓዳት ለከምክም ዐለ።

አሳሰለ ፈግረ በርናምጅ ሰክርቴር ጀብህት ሸዐብየት እግል ዲሙቅራዊየት ወዐዳለት አሰይድ አልአሚን መሐመድ ሰዲድ፡ ወዚር ጣቀት ወመዓድን ጀነራል ሰብሓት ኤፍሬም፡ ቃእድ ሀይአት አርካን ቅዋት ድፋዕ ኤረትርየ ጀነራል ፊሊጶስ ወልደዮውሃንስ፡ ቃእድ ቅያደት ምግባይ ጀብህት ሚጀር ጀነራል ሀይሌ ሳምኤል ወሓክም አቅሊም ግብለት አሰይድ ኤፍሬም ገብረክርስቶስ ዲብ መቅበረት ሹሀደ ዕምቦበ ከረው።

ምሕርባይ ረመዳን መሐመድኑር ህዬ፡” ዲብ ገለድነ



ሰበትነ ሐቲ ግብአቱ ሀደፍነ” ለልብል ክቱብ ለብእቱ ተምሳል ሐቆ ደሐረ፡ ለዐለ ተዩልል መሪር ወምራድ ሕርየት ለክልቀዩ ስሙድ፡ እተክምሰልሁመ ፈራሰሐት ወዐጃይብ ሙናድሊን ለሸርሕ አሸዓር ወሐልየት ለከምክም በርናም ትቀደመ።

መመቅረሓይ ማሕበር ተዓውን ከፈፍል ዴሽ 70 ወ16 ለዐለ ኮሎኔል አፍወርቂ ዮማኔ ዲብ አሰምዐየ ከሊመት፡ ሸዐብ ኤረትርየ እብ ሚርሐት ተንዚሙ

እግል ልትዐወት ከም ቀድረ ሸርሐ።

እብ አላፍ ለልትዐለቦ ሙሽተርከት ናይለ በርናምጅ ወደረሰ መዲነት ደቀምሐሬ ዲብ ቀደም 25 ሰነት ዐጃይብ ለትሸቀ እቱ ድፍዓት ዲብ በጽሐው እተ ኢነት፡ ሓለትለ ጀብህት ወለዐለ ተዩልል መሪር፡ ከህላት ወስሙድ ሙናድሊን፡ ወዶር ዲብ ባካት ለዐለ ሸዐብ ዲብ ሐርብ እበ ሻረከው ሸርሕ ተሀየበ።

ሸሪከት ሲቸዋን አስሁም ሸሪከት ሳንሪጅ-ጎልድ ትዛቤ

ናይ ቻይነ ሸሪከት ተዕዲን ወእስትሰማር ሲቸዋን፡ ገርዘ ሸሪከት ተዕዲን ከነደ ሳንሪጅ-ጎልድ እት ሸሪከት ተዕዲን አስመረ ለዐለ እለ 60% አስህም ትዛቤት።

እት ዮም 26 አፕሪል እት ሆቴል አስመረ ፓላስ ለገአት ዓደት ፈረሞት እትፋቀየት ዝቤ፡ እግል ርኢስ ወጠንያይት

ሸሪከት ተዕዲን ኤርትርየ ለወክለ አሰይድ ሐጎስ ገብረሂወት፡ ሙዲር ሸሪከት ተዕዲን ሳንሪጅ-ጎልድ ሚስተር ምካኤል ሆፕላይ፡ ክምሰልሁመ ናይብ መመቅረሓይ ሸቁል ሸሪከት ሲቸዋን ሚስተር ያንግ ቻን ፊርማቶም ከረው እተ።

መመቅረሓይ ሸቁል ሸሪከት ተዕዲን ኤረትርየ

አሰይድ ብርሃኔ ሀብቱማርያም፡ ክምሰልሁመ ሰፊር ጅምሁርየት ቻይነ ዲብ ኤረትርየ ሚስተር ክዩ ዙጃን ሓድራም ዐለው።

ሸሪከት ተዕዲን ወእስትሰማር ሲቸዋን፡ እት ድዋራት ከርከበት ከድም ለዐለት እት ገብእ፡ እብሊ እዜ ለትዛቤቱ አስሁም እብ ሸሪከት ተዕዲን አስመረ እንዴ ትሰዴት፡ እት ድዋራት አስመረ እምባደርሆ ወዐዲንፋሰ ክምሰልሁመ እት ድባርወ ወራታት ተዕዲን እግል ትሰርግል ቱ።

ሸሪከት ተዕዲን አስመረ፡ 40% እብ ወጠንያይት ሸሪከት ተዕዲን ኤረትርየ፡ 60% ህዬ እብ ሸሪከት ተዕዲን ሳንሪጅ-ጎልድ ለተአሰሰት እት ገብእ፡ አሰክ እለ እት ሕፍዝ ከድም ክምሰል ጸንሐት ልትአመር።



እድንያይት አምዕል መላርየት ትዘከር

እት አቅሊም ምግብ አሰብሰ ሕማም መላርየት እንዴ አሊሊክ ምሰል ሰብ ሸርከት እብ መትዓምን እት ገብአ ጅህድ፡ ለሕማም እብ 95% ክምሰል ክብዩ እድንያይት አምዕል መላርየት እት ትዘከረት እት ዕለት ትሸረሐ።

እት መላርየት እንዴ ሸክሳ ዓፍየት ነአድምን” እት ሐንቲለ ትብል ሰቅራት እት ሕንብርቲ ለገብአት መናሰበት፡ እት ፈርዕ ወዛረት ዓፍየት አቅሊም ምግብ መላኡል ራቀባት ሕማም መላርየት አሰይድ መለሰ ገብረጸላሰ እት አሰመዐየ ከሊመት፡ ለፍነሪት እግል ትሰጀል ለቀድረት አግደ ፈዘዕት ሸዐብ ምን ትወቀለት ክምሰል ቱ ወደሐ።

መላርየት እት አቅሊም ምግብ እት ሰነት 1989 እብሸክል ሸለት እት ሐሰየት ምፍጋር ጸሓይ፡ ክምሰልሁመ እት ሕዱ’ ድ ድዋራት ጋላፍሐ፡ በሪኽ ወሰረጃቀ ሐቀለ ትርኢት ለሕማም ለተዐዴ ሐፍነት

ክምሰል ህለ እብ ሕፍዝ ክምሰል ተአከድ፡ እግል ሸክቱ ለትሰርገለ ወራታት ዐባዩ ህዬ ፍነሪት ሰነት ክምሰል ትረከቡት ምን አሰይድ መለሰ እብ ተወላክሐበረ።

እት ፈርዕ መላኡል ተዕለም፡ ሐብሬ ወተውሳየት አሰይድ ሁብቱ ገብረመሰቀል ህዬ፡ ኤርትርየ ምን እብ ደረጃት ዓለም ሕማም ጥጋዕ እት አብደየት ሰሪ ለሄረረየ ክም ተ እት ሸርሐ ለታርፍ ህለ ካድም እግል ልትመም፡ ጅህድ ትፋድ ልትሰርገለ ክምሰል ህለ ሸርሐ።

እት ደንጎቤ መመቅረሓይ ሸቁል ሙዲርየት ጋላፍሐ፡ አሰይድ መሓሪ ዮውሃንቱ ሕማም ጥጋዕ እግል ዳሬያት ሐፍነንት ለልትዋለድ እቱ ሕፈር እት ደፊን፡ ክምሰልሁመ ነዳሬት ድዋር እግል አድመየት ዝዩድ ልትከድም እሉ ክምሰል ህለ አፍህመ።

እድንያይት አምዕል መላርየት እት ክል ሐል እት ዮም 25 ኦብራል ትዘከር።

ግንዳቤ፡ መትከምካም ደገጊት ልተላሌ

በርናምጅ መትከምካም ደገጊት እግል ልሸፈዔ ሱንን ምዲርየት ግንዳቤ ምሰል ሐቅመት አቅሊም ቅብሉት ቤተር ቀያሕ አሰይደ ጸጌሬደ ወልደገርጊስ ዲብ ወደው ልቃእ ጠልበው።

ዲብ ዶር ማዕዩ ትርድት ዲብ በርናምጅት ዐማር ወረብዮት ውሕደት እበ ከሰሰ ምሰል ሱንን እዳራት ደዋይሕ ነፋሲት፡ እምባክትሎ ደማተባር፡ ለዓይተኑ ደንጎሎ፡ ለዓል ወተሓት ለወዴቱ ልቃኤ፡ አሰይደ ጸጌረደ ብዘየት ማዕዩ ትርድት ምን ዓይሉት ኮም ትትብገሰ እንዴ ሐበረት፡ በርናምጅት ዐማር እግል ልትዐወት መሻረከት ክል ነፈር እግል ትዕቤ አትፋቀደት።

አሰይደ ጸጌሬደ እንዴ አትሌት፡

ሲዳራት ደዋይሕ ዲብ አትክትምህም ሰብት ህለዩ፡ ወራታት ሲዮሐት እግል ልዕቤ ዲብ ሕፍዝቱ ሕዝቡ ረከቀት ሐን አርድ ለህለ ማይቸተል ዕጪይ ገዳም፡ ሸቀየት አክረት ወአሸርዐት ውበዕድ ለመሰል ወራታት እብ ደረጃት ማዕዩ እግል ልክደመ እቱ ትፋኔት።

መሽተርከት እብ ጀሁዮም፡ መዳላዮም እግል ዐውቱ ልሊኡተን በርናምጅት ዐማር ሐቆ አክደው፡ በርናምጅ መትከምካም ደገጊት ዐዲርሶ እግል ልሰርገል፡ መርከዝ ተወብሶ ማይ እዳራት ደዋይሕ ምተባር እግል ልትዳሉ፡ ዲብ እዳራት ደዋይሕ ለዓይተን ረውደት እግል ትትሸቁ፡ ወዲብ ድዋርም መሪቅዝ ሸትል እግል ለህሌ ለልብል አራእ ወፊናታት ቀደመው።

ፎር፡ ሰደይት ዓይላት ሹሀደ ትገብእ

ዲብ ምዴርየት ፈር፡ ሰዳይት ዓይላት ሹሀደ ለከሰሰ ህድግ ገብኦ።

መስኡል መክተብ ውዛረት ዐመል ወራዐዮት እጅትማዕየት ዲብ ምዴርየት አሰይድ እብራሂም ዐመር፡ ምሰል መስኡሊንል ትፈናተየ መአሰሳት፡ ሱንን ወደረሰ ዲብ ወደዩ ልቃኤ፡ ዓይላት ሹሀደ እብ እቅትሳድ ሌጠ እንዴ ኢገብኦ፡ ናይ መዐንወዮት ወእጅትማዕየት ሰዳይት ሰበት ተአትሐዘዩም ዶር ሙጅተማዕ እግል ልዕቤ አትፋቀደ።

አሰይድ እብራሂም ዲብ ህቡዩ ሸርሐ፡ ሸዐብ እግል ዓይላት ሹሀድ ሕገዛም ወምሰኩናም እብ ማል ልግባእ ወነሐር ለቀድሙ ዶር ወተአሰሩ ቀሊል ክም ኢትን እንዴ ሐበረ፡ እግል ዝዶድ ፍነሪት እበ ትንዝመት ወለትደረሰት ገበዶ እግል ልሸቂ ትፋኤ።

ሙዲር ምዴርየት ፈር አሰይድ ዳዊት እምባዩ እብ ጀሁቱ፡ ለልትኡተን በራምጅ እምበል መሻረከት ሙጅተማዕ እግል ልሰርገል ክም ኢቀድር እንዴ ሐበረ፡ ዓይላት ሹሀደ ወምሰኩናም ራዐዮት ወሳዳይት መስኡልየት ክል መዋጥን ሰበት ተ፡ ዮመ ክመ እት ማሌ እበ ትወቀለት ክም ልትከድም እቱ ወድሐ።

መሽተርከት ህዬ፡ መዳላዮም እግል ሰርገል ልትኡተን በርናምጅት እንዴ አክደው፡ እግል ዓይላት ሹሀደ አርድ ሐርሰ እግል ልትሆቱ በራምጅ ሰልፈት እግል ለኡተላሌ ውበዕድ ለልብል አራእ ቀደመው።

ሽዕለት እስትቅላል ዲብ አቅሊም ዐንሰበ ትጀወል



ሽዕለት እስትቅላል፡ ዲብለ ትፈናተ ድዋራት አቅሊም ጋሽብርክ ወመዐሰከር ሳወ ትወድዮ ለጸንሐት ጀውለት እንዴ አትመመት፡ ዲብ ዮም 20 ኣብሪል ዲብ ከርከበት እተ ገበአት ዓደት፡ ሓክም አቅሊም ጋሽብርክ አሰይድ ፍሰሃዬ ሀይሌ፡ ቃእድ መርከዝ ተኣሂል ቅዋት ድፋዕ ኤረትርዮ ብርጋደር ጀነራል ተክሌ ልብሱ ሓክም አቅሊም ዐንሰበ አሰይድ ዐሊ ማሕሙድ ሰለመው።

ሽዕለት እስትቅላል ምን ዮም 15 ኣሰክ 17 ኣብሪል ዲብ ተክረፊት፡ ዐድ ኣብርሂም፡ ሓሻኪቶ፡ ጅሚል

ወፎርቶ ዲበ ጸንሐት እተ ኢነት፡ እብ ሰሰዒት ዓዓት ወአሴራር ዲሸ ወደረሰ ለትተሌት ኩቡቴ ናይረት እንዴ ገብአት እግሉ፡ ሙደራእ ምዴርያት ድጌ ወፎርቶ-ሳው፡ ዲበ አሰምዐወ ከሊመት፡ ለድዋራት አወላይ ሸሂድ ሰውረት ኤረትርዮ ለወድቀ እቱ ደብር ኦማል ወሰውረት ኤረትርዮ ድድ መስተዕምራይ ዲሸ ንዝም ሀይሌሰላሴ ናይ ሰልፍ መዓርክ ለጋብህ ዲበ ተገሩብ ለከምክም ታሪካይ አካናት ክም ቱ ሸርሐው።

መርከዝ ተዐለም ወተኣሂል ሳወ ዲበ አቴት ዲበ ኢነት ሀይ፡ እብ አሴራር

ዐሰከርዮት ብሉካት ለትተሌት ኩቡቴ ናይረት እንዴ ገብአት እግሉ፡ ኣንፋር ክድመት ወጠን፡ ሙናድሊን፡ ምህነት ደርሶ ለህለው እበ ወክለምም ኣንፋር እንዴ ትተሌት ኣንፋር 29 ደውረት ክድመት ወዲብ 8ይት ደውረት መርከዝ ተኣሂል ምህናት ልታከው እተ ለዐለው አካን እብ ዕፌ ዓዓት ለገምለት ጀውለት ወዴት።

ናይብ ቃእድ መርከዝ ተኣሂል ወተዐለም ሳወ ሌተናል ኮሎኔል ተመሰገን ሳሙኤል ዲበ አሰምዐዮ ከሊመት፡ ክል ሰድር ምን ምድር ኤረትርዮ አርወሐት አላፍ ቃልያም ለትደፍዐት ዲበ ክም ተ እንዴ ሐበረ፡ ወራት ወጠን አውለውዮት እንዴ ሀበው መስኦልየት ዐባይ ለራፍዓም ወዲብ መዳፍዐት ወዐማር ዶርም ቀድሞ ለህለው ሸባባት ዲበ ፈሩ እቱ መርከዝ ብሽ ሸባባት ላተ ሳወ ጀውለት ሽዕለት እስትቅላል ሕሸመት ፍንቲት ከም በ አፍህመ።

ለትተሌ ጀውለት ሳምን ሽዕለት እስትቅላል ምን አመላይት እብ ዘረ ወአሰማዋ እንዴ ነሰአት አሰክ መሉብሶ እግል ትግባእ ቱ።

ጽምዶቤንያይ፡ጀለመስኩብት ወዐቦት መንጠቀት

መንጠቀት፡ መንጠቀት ቀር አፍሪቀ ወበሐር ቀየሕ፡ እብ ሰብ ናይ ከርሰ ድዕፍ ወእሊ ድዕፍ እሊ ለአንተሀዘ ዐቢ መትኦታይ ቅዋት ካርጅ ወእብ ናይ ሲያሰት ወእቅትሳድ አዝማት፡ እብ ሐርብ በደ ወህጁማት ረዐድ እት ረሚጩት ትትረውሬ ለህሌት መንጠቀት ተ። እት ሶማል ብዙሕ ለከልኦ ወአሰክ እለ ለይሰክበ ፈንጨጋር፡ ሐርብ አድሕድ ግብለት ሱዳን፡ አዝመት የመን፡ እትለ ትፈናተየ ድወል ምግባይ ምፍጋር ጸሓይ ወቅብለት አፍሪቀ ለቀንጸ ነዐር ሽዑብ ለአምጸአዩ ተቅዩራት፡ ህቱ ለፈትሐዩ ምብቃይ ለሰበቡዩ ደማር ዐቢ፡ ፈነ ወልጁእ፡ እት ብዝሓት ድወል ለህሌት መሸክለት አምን ወኢሰካት፡ ክምሰልሁመ እለ ሓለት ሕምርግት አርድየት እንዴ አዋፈሐት እሉ ለአማድድ ለጸንሐ ውዳይ ረዐድ ለዐበ መሳእል ናይ እለ መንጠቀት እላቱ።

ዲብ ክምእነ ትመሰል ኬልም ሓለት፡ ሰልፍ ናይ ከርሰ ደሐን ወመስኩብት አድመኖት፡ ሐቆሁ ሀይ እት ሰላም ወአምን መንጠቀት አተድሐኖት እት አውለውየት እግል ልትረተብ ለወጅቦ ናይ ሕበር ዳይ ገባይል ወሕኩማት መንጠቀት፡ ጋብእ ሀሌ።

ዲብ መንጠቀት፡ ለህለ ብዙሕ ለአሸካሪ ነዐር ወአዝማት ፍንጌ ሽዑብ ናይ ሐቱ ወጠን ኖሰኖሱ ምንገብእ ወፍንጌ አግዋር ላቱ እበ ሀሌት ዐዳወት ቁሪት ወመትሐማዝ ገባይል ወደሚር ዐሚም ሕድ ለትብገሰ ኢኮን። ሙብዝሐ እብ ሰብ ኻጢ ዐገል ሲያሰት ቀበት ዐድ ወእሊ ድዕፍ እሊ እንዴ አንተሀዘ ለተራቀሽ ቅዋት ካርጅ ለዐናቀደዩቱ። ሰበት እሊ ሕኩማት መንጠቀት፡ ቀድያተን እት እድንያይ ሸክል አሰክለ ተአጽብዋ ገበይ በደል ዋልያሁ፡ እብ መፋህመት ሕበር ቀድያተን እብ ኖሰን እግል ለአሰክባሁ ወነቃሰ ሕድ እግል ለታምመ ለቀድረ እበ ገበይ እግል ልጽብጤ እለ መርሐለት እለ ትጠልብ ምንገን ሀሌት። መንጠቀት፡ ምንእለ ሓለት ሕቡልክት እንዴ ትሐልሐለት እት ንብር እግል ተአቅብል ሀሌት እሌ። ምን መንጠቀት ነዐር፡ አዝመት ወረዐድ እት መንጠቀት ሰላም፡ ዐማር ወመዓወነት እግል ትትበደል ሀለ እሌ። እለ እግል ትግበእ ሀይ ፍንጌ ድወል ወሕኩማት መንጠቀት፡ አፍካር ፋዩሕ ወረኣይ ሕበር ጠወሮት፡ ሰላም ወአምን መንጠቀት እግል ትትአከድ፡ መባደረት ሕያይት እንዴ ትነሰአት እግል ሰርገለ እብ ነሳሐት ወመትሰባል ከዲም ለአትሐኪ።

ሩእየት ሽዑብ ኤረትርዮ ሰላም ወመስኩብት ለትመደደት እተ አርደት ዐማር ወለኢተትካርም ዐቦት አዳበሮት ተ። እለ ሩእየት ከርሰ እት አማነ እግል ትበጸሕ ላኪን፡ ሀለዩት ሳክበት ወነቃሰ ሕድ ለተአተምም ግዋራ፡ ውጡይ ቴለል መንጠቀት ወዐለም ዶር ምህም ክምቡ ትርድት እምነት ሽዑብ ወሕኩማት ኤረትርያተ። ምን ሐረሰ እሊ ወጠንያይ ሚሳቅ፡ ዐገል ዕላቃት ኻርጅ ኤረትርዮ እት አሳሰ እስትቅላል ወመስለሐት ወጠን ለትነደቀ ናይ ሰላም ወለኢዝ ዐገል ክምቱ እንዴ ኣብረሁ፡ ኤረትርዮ እበ ንኢሸ ቅድረተ እት ሰላም ወመስኩብት እለ መንጠቀት ወዐለም ዶር እግል ትውዴ እብ አግዋረ ወድዋረ እንዴ አንበተት፡ መካይድ እቅትሳድ ወሲያሰት ናይለ ሕኩማት እብለ ኢከሰሰ፡ ምስል ኩለን ድወል ወሕኩማት ዐለም፡ ዲብ እስትቅላል ለትሳዩት ሸራኩት ለልትአሰሰ፡ ውሕደት ምልክየት ወሕሸመት ወጠን ለለዐቅቡ እግል ሲያደት ቃትን እድንየ ለልትመለክ ኩሉ ጀዋንብ መዓወነት እግል ትጠውር እግል ትሸቄ ክም ወጅቦ ለአተብት። ዲብ እሊ ዐገል እሊ እንዴ ተንክብት፡ ኤረትርዮ ምስል ኩሉ እሊ ለዋጀህዩ ተሐድያት፡ እብ ድፕሎማሲየት እግል ትከረም ለትከሰአ እተ ተዕቢአት መናካል፡ እብ ደረጀት መንጠቀት ሰላም ወአማን እግል ትምደድ፡ ናይ ሕበር ዐቦት እቅትሳድ ወሰዳየት ሕድ እግል ተአደቅብ ለትሰዴ ሓለት እግል ተአዋፊሕ፡ እብ ጽምዶ ቤንያይ፡ እብ ንዩት ፋይሐት ወሕሰር ዐቢ ትሸቄ ጸንሐት። መባዋር ኤረትርዮ እት ቅደይ ዐለም ወመንጠቀት፡ ክርን ዐዳለት ለለሰሚሕ፡ አከይ ፍዕል እብ ደንገሕ ዲብ ለትዐግብ፡ ለለረቴዕ አፍካር ለለመጽእ፡ እምበል ዐሸም ሰላም ወዐቦት አጃንዳት ብዕድ ለአለቡ፡ ቅዱይ ወእት መሳዋት ለትነደቀ ዕላቃት ገባይል ለለንጽር ዐገል ሰላም ወገዝ አለቡቱ። እብለ ንዩት እለ ኤረትርዮ ዲብ ባልሐት ፍንጌር ናይ መንጠቀት፡ ለህለ እለ መባዋር እብ ነሳሐት ዲብ ትሸፊሕ ወዶረ እት ወዴ ጸንሐት ተ።

ምን ዐሸም ሰጅት ለልትብገሰ መውቀፍ ኤረትርዮ፡ እግሉ፡ ገባይል ሕድ ልብለዕ እንዴ ሐድገዉ አተላላይ ዴማት ገዲብ ወመላጣዋ እግል ለአድምኖ ለልሐዙ ቅዋት፡ እለ ሲያሰት እለ ኢረድወ ገቡእ። ሰበት እሊቱ ሀይ ኤረትርዮ እት ዲፕሎማሲየት እንዴ ትከረመት እግል ትንበር ሐምሳት ዋሴዕ ገብእ ለጸንሐ። ምናተ ሽዑብ ወሕኩማት ኤረትርዮ እብለ ዐዳዋት እሊ ምንገበዮም እንዴ ኢልትሸልተፎ ታላት ከይነት እንዴ ባተከው እተ ራትዐት ገበዮም ለአሴ'ሮ ሀለው። ምን አክለ ሀንን እት ገባይል ዐለነ ወመንጠቀት፡ ልዘይድ መጽእ ለህለ መጣልብ እግል ሰላም ወዐዳለት እንዴ ትጸብጤ እሊ ራቴዕ ወቀደም ለለአብል ዐገል እሊ፡ ኩብቴሁ ወፍሬሁ እት ለዐቤ ክምገደሰ ሸክ ኢሀሌ። ጽምዶ በናይ እግል ዐቦት ወሰላም ገባይል መንተቀት።

ኣ/ቅ/በ/ቀ፡ ፈዛዐት ሽዑብ ሕማም መላርየት ተህውን

እት አቅሊም ቅብለት በሐር ቀየሕ፡ ሕማም ጥጋዕ እግል ራቀቦት ገብእ ለዐለ ጅህድ፡ ፈድል ፋዝዐት መሻረክት ሽዑብ ፍንጋት ሰኔት ክምሰል ትረከበት ምን፡ መስኦል ፈርዕ ወዛረት ዓፍየት ናይለ አቅሊም ዶ/ር ዮውሃንስ ተኸሰቴ ሸርሐ።

እት ዮም 23 ኣብሪል እት ቃዐት መዲነት ባጽዕ እተ ገአ እጅትማዕ፡ ዶ/ር ዮውሃንስ እት ሰነት 2015 ለዐለት ዝላም ቅዝር፡ ሕማም መላርየት እት ግንደዕ ወባጽዕ ክምሰል ትራኦ እት ሸርሐ፡ እግል ራቀቦቱ ወዛረት ዓፍየት ወሰብ-

ሸርከተ ጅህድ ትሩድ ወዱ ክምሰል ህለው ወደሐ።

ወካይል ዓፍየት ደገጊት፡ እምበለ ዓለጆት ለእግሉ ወዱ መሓደራት ወተውዕያት እት ራቀቦት ናይለ ሕማም ዶር ዐቢ ክምሰልለአገዱ እት ሸርሐ፡ ሕማም መላርየት ጠቢዐት ደገሰ ሰበት ቡ ሽዑብ መደጋግ እግል ሊዴ አትፋቀደ።

መመቅረሓይ ሸቁል መዲነት ባጽዕ አሰይድ ተወልዴ ተሰፋዝጊ እብ ተረቱ፡ ሐቆ ሕርየት ለገአ ጅህድ እበ ሰብቀ ፈዛዐት ወፈሀም፡ ሕማም መላርየት ምን ራቀቦት እት ደረጀት

ሕጌ ልትዐዴ ክምሰል ህለ እት ሸርሐ፡ እግል ሰርገሉ ዶር ወመሻረክት ሰብ-ምህነት ዓፍየት እብ ዓመት ወክል መዋዋን ሀይ እብ ፍንቱይ እግል ሊዚድ አትፋቀደ።

ለሕማም እግልልትከረዕ፡ ዝያድ 50 አልፍ ላሙሰየት እግል ሽዑብ ልትሀዩብ እት ሀሌ፡ ከደማት ሕክምነ ለለሀይቦ ሐድ 250 ወካይል ዓፍየት ደገጊት እብ ምራድ ኖሰ ሀይ ካድም ሕሙድ ሰርግሎ ክምሰል ህለው፡ ወሳእቅ ፈርዕ ወዛረት ዓፍየት ናይለ አቅሊም ለሐብር።

ኤረትርዮ ዲብ እትፋቅየት ፓሪስ ትፈርም

ኤረትርዮ ዲብ ዮም 22 ኣብሪል ዲበ ሓለት ጀው ለትከሰሰ እትፋቅየት ፓሪስ (Paris Agreement) ፈረመት።

ዲበ ዲብ ኒውዮርክ ዲበ ህለ አግደ መክተብ መዝመት መጅልሰ ቅራን ለገብአት ዓደት፡ ሳብት ሰፊር ኤረትርዮ ዲበ መዝመት አሰይድ ግርመ አሰመርም፡ ርኢስ እስያስ አፍወርቂ እንዴ ወክሉ፡ እብ ሰም ሕኩማት ኤረትርዮ ዲበ ወሲቀት ፊርመቱ ከረ።

እለ እትፋቅየት እላ ለትቀይድ እግል ትግባእ፡ ምነ ዲበ አምዕል ለህ እንዴ ሐድረየ ፊርመተን ለከረየ 175 ድወል፡ ምን ልውሕደ 55 እግል ልሳድቀ ዲበ በን።

ዳጊትርዮ ዐጽዳክ

ክል አርቡዕ ለትጠ'በዕ ጀሪደት

መዳልያይ

መሐመድ እድረሰ መሐመድ

ናይብ መዳልያይ

አድም ሳልሕ (አቡሐረሽ)

ለይ-አውት

ፋጥና አደም ወ ዛህራ ዐሊ

ተለፎን፡ 121797

ፋክስ፡ 127749። ዕ.ሰ.ቡ 247

ተውዝዕ ጀሪደት

ተለፎን፡ 200454

አትአመርት

ተለፎን፡ 125013። ዕ.ሰ.ቡ 1284

E-Mail: tigreit@zena.gov.er

ጀብህት ደቀምሐሬ ሐቆ ርቡዕ ዘበን



የም 23/04/2016 ጽብሕ ምድር ለሼቅየት ምስተንክር አንፋር መሕበር መትሰዳዳይ ክፈል-ጄሽ 70-16 አስክለ ምስትንክር ለሸቀው እቱ ሰዋትር ስሙድ፡እግል ለአግወሐላሊ እብ ግዲደ ክትት እንዴ ኢነሰኦ ትመየው። እስቡሕ ሙበዘሐም ለናይ ንዓል ጋራሆም ጉበኦ ትፋቀድ ሽደዲት እንዴ ሉበሰው አስክለ ናይ ተብጊሰት አካን ተንክረው። ታታ ለልትብህለ አውቶብሳት ጸዓዲ ህዩ እብ ሰፍ ዱሉያም ክምሰል ጸንሐያሆም ክሎም ክምሰል ትጀመረው እብ ገዛም ክራሲሆም እንዴ ጸብጠው፡ምን አስመረ አስክ ግብላት ገጽም ልትሀርበሩ እት ህለው ደሚሮም እት ብዙሕ ሕሳባት ኩፋል ዐለ። እግልሚ፡ ዲብ ሽቡቶም

መናሰበት ለሉብሰው አንፋር መሕበር መትሰዳዳይ ክፈል ጄሽ 70-16 ቀበትለ ዲቡ ምን አጅል ተሕሪር ለሐድገምም ሐረት ቤት አማን መጋሲቶም ክምሰል ጸብጠው ለመናሰበት እብ ዝክረት ሹህደኢ አምበተት። ሐቆ እለ ለትፈናተ እግለ መናሰበት ለሽሬሕ ሐልየት፡ ሽሬሕ፡ አሸዓር ልትቀደም እት ህለ ክሉ ዲብ አካን ጅሙዕ ለዐለ አዳም እብ ደሚሩ ግረ እንዴ አቅበለ እግለ ሓላፊዩ መሪር ንዓል ተሕሪር ወለደፍዐዩ ዐውል ቃለ ዲብ ለአስተንትን ወሰርመ እንዴ ኢከህለ እንብዑ ጀለም እት ትብል ምን ለመናሰበት ግረ ለትብልስ ወምስተቅብለ ለተአንጽር እት እንተ አተላላ። ሐቆክርየት ዕምባታት ወአቅረሐት



ለበልስ አዋይን እግል ለአትዋይኖ፡ ለሓላፊውን 25 ሰነት እስትቅላል እበ ምር እንክር ወእበ ካልእ ህዩ ለአማሙ ዐለው ሰዋትር ፍርሰነት ወእስትሸሃድ እንዴ ኢበጽሐው ክምሰል ፊልም እት ቀደም ዕንታቶም ሰበት ትካዩለ እሎም ተ። ትም እንዴ ቤለ ምስል አርወሐቱ ለዳግም ወቀዳሚቱ ለወቀዋቅል፡ ምስል መለህዩ ለዳግም ወእግለ ዐለ ቴለል ንዓል ወለናይ ደንገበ መዕረከት ተሕሪር ለለአስተንትን እንዴ ጉበኦው፡ ምን አስመረ ደቀምሐሬ ክምሰል አተው ላተ፡ ክሉ እብ ሰበትለ ቃለ ታሪክ እግል ልሕሰብ ወለበል አምበተ። ምን ክርስ መዲነት ደቀምሐሬ ህዩ ሄራር አስክለ ዳር ፍራስ ላተ መቅበረት ሹህደ ጉበኦ፡ ክሉ እግለ “ዲብ ቀሰም ሹህደ እንዴ ሰመድኅ ምርቱ መብደእን” ለልብል ሸዓር ናይለ

ሸዕለት ክሎም ለቀደም 25 ሰነት መንደሊታት ለዐለው አው ሸበንርብ ለዐለዩ ሙናድሊን የም ምን አበው ወእማት እንዴ ሐልፈው አብዕቦታት ወአቦታት ለበጽሐው፡ ውላድ ውላደም ለግሰሰው፡ ለሸየበው፡ ለራዊ ዐለ ገሮብ ንእሽ ዲብ ዕቢኒ እንዴ ነትለ ለትሰውሴት ገናበት ወለትጨረመ ክተፍ፡ ምስል ክንቱይ ም ፋጣይ ጨገር ሌጠ እንዴ ኢጉበኦ፡ ምን ለአሙሩ ሰዐይ ወአሳዳር ለለሐናኸሽ እገር ዶል ተአቀምት እሎም ለእት መቅበረት ሹህደ ለህለው ጽባባት ናይለ ሹህደኢ ክምቶም ሸክ ኢትወዴ። ደቀምሐሬ ህዩ ለቀደም 25 ሰነት እብ ባሮት ወሰረት ለትገልጸጸት ጊመተ እትለ አምዕል እለ ምን ጽብሐተ እት ምስየተ ትትሰራብብ እተ ለወዐለት ተ። አይወ! ለቀደም 25 ሰነት ምን ጀህት ግብለተ ክታር ደባብ ወመዳፍዕ

ዲብ ለሀምም ወክሉለ ለህለ ዐንክር እብ ዙብጥ ተብብ ዲብ ልብል ተዐምበልብል ለዐለት ደቀምሐሬ፡ የም ሐቆ ርቡዕ ዘበን፡ እግል ዝክረት ናይለ ኢነት ለሀ፡ ነኢይሽ ወዐባዩ መካይን ወእብ ፍንቱይ ለበርዕድ አውቶብሳት ታተ ምስለ የም አለቡ ነኢይሽ መካይን፡ ምስለ ዌርሰት እት ዕዛል ሕርየት ለትወለደ ጂል እንዴ ትሆገለ ቡሪ ዲብ ዙብጥ እት ሸዋሬዕ ደቀምሐሬ ልትገናቤ ለዐለ በጠሓት ዶል ትርኢ ፍሬ እስትቅላል አክልኣዩ ጥዑም ክምቱ ሸክ ኢትወዴ። ላኪን እለ ጥዑም ፍሬ እስትቅላል እበ መሪር ንዓል ወእስትሸሃድ ክምሰል ትረከበ ክሉ ለለአምረ አማንተ። እግልሚ ሸዐብ ኤረትርየ እስትቅላሉ እብ እንክ ወእብ ህዩ ለተረከበ እንዴ ኢጉበኦ እብ ደም ወዐጭም ለትመካሐናሁ ሰበት ተ። ምን እስትቅላል ናይለ በዝሐዩ ድወል ዐለም ለትፈንታቱ።

ሳዕት 11:00 አደሐ ክምሰል ጉበኦ፡ ሄራር ምን መቅበረት ሹህደ አስክለ ዐባይ ናይለ መናሰበት ቃዕት ጉበኦ፡ ዲብ እለ ቃዕት እላመ ክምሰል ዲብ መቅበረት ሹህደ ለዐለ አዋይን ናዩ ፍንቱይ ዝክርያት ወሸዐር ለክልቅ ቴለል ልትረኢ ወልትሰመዕ ዐለ። ለእብ እዘን ልትሰመዕ ናይ ዘበን ንዓል ሕላይ ወአልሓን ወለ እብ ዕንታት ልትረኢ ዲብ ዘበን ንዓል ወፍርሰነት ለበልል ዕሬ ሰወር፡ ክሉ ነፍዩ ዝክርያት ዐለ እሉ። እግል መሰል ምን እት መዕረድ



መዲነት ባርንቱ 1985፡ህጁማት ተሰነይ ወውቃው። መዳፊዕት ወራራት፡ እት ወክድ ሳድስ ወሳቢዕ ወራር ለዐለ ቴለል፡ ሐርብ ቅብላት ጄሽ አባይ ወጠቢዕት። ለሸሬሕ ወግረ ዲብ ታሪክ ንዓል ለበልስ መዕረድ ዐለ።

ሳዕት 1:00 ሐቆ አድህር ህዩ ለታሪክ እተ ትሸቀ እቱ ሰዋትር ፍርሰነት በገስ ሰበት ዐለ፡ ለቀደም 25 ሰነት ካታር ናይለ ጃኒታት ወመእበይ መካይን ወደባብ እብ ጀህት ግብለት ደቀምሐሬ ዲብ ለአንርር ለአተ እቡ ጋድም የም ለሐሊብ መመጠቅ መስል አውቶብሳት ምስለ የም አለቡ ነኢይሽ መካይን ረዩም ክታር እንዴ ጉበኦ ደርብ ሕድ ልጡም እት እንቱ ዝያደት ክሉ ህዩ ምን መዳርስ ደቀምሐሬ ታሪክ አበዎም ወእማቶም እግል ልውረሰ እተ ዝያድ 12 በጠሕ ለጉበኦ መካይን እንዴ ጸዕነው እብ እደየም ዓሽ ዲብ ልብሎ ወድንግሒ ዲብ ወዱ ልቴለል ለዐለ፡ ክታር መካይን፡ ለቀደም 25 ሰነት ሙናድሊን ጀላብ ሕርየት ወእስትቅላል እት ልብሎ እት መቅጠን ማርሲድሳት እንዴ ጸዕነው አስክ አካን ሕራብት ልትገምቤ ለዐለ መካይን እበ ካልእ እንክር ልትዋሰፍ እግልኩ። ላኪን ክልኢቱ ዲብ ሕድ ለኢበይኦ፡ ለህይ እግል መእከይ፡ ሞት ወቀትል ወእለ እግል ተምሸየት ወቀዋቃል ታሪክ ንዓል ወዝክረት ፍርሰነት፡ አቤ ለህይ እት ወክድ ንዓል ወእለ እት ወክድ እስትቅላል፡ ክልኤ መርሐለት ለትጸበጠዩ ላኪን ለትፈናተየ ለሓኪ።

ለዲብ ወቅትለ መሪር ሐርብ ምን ዐዶታቱ እንዴ ትሸተተ ዲብ አብዓት ወአልቁብ ሸቱት ለዐለ ገቢል ደገጊት ጉረዕ፡ ማይ-ዕድገ፡ ውጡሕ፡ ትኩል ውበዕድ፡ የም ንኡሹ ወዐቢሁ እግለ

አብ አግዳም ዐዱ ልቴለክ ለዐለ ክታር መካይን እት ልትፈረጅ ወእብ እደዩ ዓሽ ዲብ ልብል ዶል ትራኤ ፍሬ ሕርየት ቃለ ክምቱ ሸክ ኢትውዴ እቱ። ዲብለ ሰዋትር ፍርሰነት ለዐለ ድፍዓት ክምሰል በጽሐናቱ ህዩ አሰልፍ ዲብ ጉረዕ ወሐር ዲብ ውጡሕ እብለ ሼቅየት ታሪክ ወመምእኣት ሕርየት ላቶም ምሕርበት አንፋር ክፈፍል ጄሽ 16 ወ70 እበትወክለው ለታሪክ ቀደም 25 ሰነት እት አካኑ ወእት ሰዱ ለሓኪ እት ህለው፡ ዝያደት ክሉ ለዌርሰት አማንት ላቶም ደረሴ ለታሪክ እት አካኑ ወምን ሼቅየቱ እግል ለአተንስዎ ወልውሮሱ በክት ዐቢ ረክበው።

ማሲ ምድር ህዩ ለቀደም 25 ሰነት ደባባት ሕድ ዲብ ጌልል ወመዳፊዕ ከርክር ወጀምጅም፡ ወፍራስ ምሕርበት እት ክል ሸብር ናይ እለ ባካት ዐጃይብ ዲብ ሸቁ ወዲብ ወድቆ ለሕርበት ሕርየት ለትቀለዐት እተ ደቀምሐሬ፡ የም ላተ ሕኔትለ መእምበይ አክራን ደባባት ወመዳፍዕ፡ እበ ቡሪ እት ዙብጠ እተ ጋድም ልትባደር ለዐለ አውቶብሳት ወድንግሒ ለልብሎ ደረሴ፡ ምስለ እት ሰርቤብ ግረ ርቡዕ ዘበን እንዴ አቅበለው እት ሰርቤብ ወሰፈላል ሸመማም ለዐለው ምሕርበት ማሌ ዶል ተአትዋይን መዲነት ደቀምሐሬ ሕድ ለወልደ ክልኣት ታሪክ ረኢት። ታሪክ ሐርብ ወታሪክ ሰላም፡ ታሪክ ንዓል ወታሪክ እስትቅላል። እብለ ህዩ ለናይ መክለስ ሐርብ ተሕሪር ለሻህደት ደቀምሐሬ እስትንቡረት ዒድ እስትቅላል እንዴ ጉበኦት ለናይ ዝክርያት በርናምጅ ላሊ እብ ግዲደ እብ ፍረቅ ዓዳት ወሕላይ ዘበን ንዓል እንዴ ትሰርጌት ትመዩት።



ዐማር አማን፡ ዐማር አዳም ቱ



አዳሙ እንዴ ጠለቀዩ መዐሳከር ጦር ሰራዊት ነበር ለዐለ ምድር ኤረትርዮ፡ እብ ፈድል ለትከዐ ዲቡ ቃሊ ደም ሸባብ ወሻይቦታት፡ መስከብ ደሐን እንዴ ጉበአ ወሰብኡ ምን ሐድረዩ ቀዳሚቱ ዳገመ። አዚመ ድቁባም ወሴድዮቶም ልስኩበ ምንመ ኢሐድገው ዲብ እስትቅላሉ እት ለሓፍዝ እት ተዕሊም ሰቃፊት ወዐማር ልትፋከር ወሸቄ ሀላ። ምድር ወጠ'ን እግል ሰብ ኖሰ ምንትጉበእ እለ ሕነ አመተ እንዴ ይእንደሌ ምዕል እየቤል ፍዲ እስትቅላል ኤረትርዮ ተለው ቴለ። እለ ርቡዕ ዘበን እት ተዕሊም ወምን ተዕሊምመ እት ምህር እግል ዐባዩ ሚ አውቁን እቱ ጉበእ? አሰይድ ትካቦ አይመት እት ወብረት ተዕሊም መስኩል ፈሬዕ ተሞዊር መንህጅ ምህር እግል ዐባዩቱ ወቀይ ወብረት ተዕሊም ወሰብ ሸርኩት እብ ፍንቴይ ወገቢል ኤረትርዮ እብ ዓ'መት ወለትረከበ ሰርገል ሚ ክም መሰል እግል ለአጽብጠነ አመሕበርን ምሰሉ። እብ አሳሰለ እሉ ሀቤነ ሐብሬ ለአዳሌናህ ክቴብ ሀዩ እለ ተሉ።

ምህር ዐባዩ ፋዩሕቴ፡ እብ ሐጫር ላኪን፡ እትለ ናይ ድራሰት ፅምሮም እብል ትፈናተ አሰባብ እት መድረሰት እግል ልድረሶ በክት ለኢረክበው እብ ገበይ ንዝምት ተዕሊም ወተእሂል እንዴ ነሰአው ካልእ በክት ለሊህይብ ተዕሊም/ ጅንስ ምን ክድመትቱ። እሎም መሰሎ መዋጥኒን እብ ምህር ዐባዩ ክም ከትቡ ቀርኡ ወልፍህዋ ገበኡ ክምሰልሁ መ እት መንበርህም ምን ቅሩብ ለትሰድዮም ምህነት ወመቅድረት ልትዐለሞ።

እት ዐድነ አሰክ እለ ወራታት ምህር እግል ዐባዩ እት ናይ ቀለም ምህር እትርጉዝ ጸንሐ። ሰበቡ ሀዩ ልብል አሰይድ ትካቦ፡ “ሽዑብ ቅዌት ሰኒ ዛይደት እቱ ጸንሐት። አብደዮት ቅዌት ሀዩ ክትፈት ናይለ ምህር ዐባዩ ምንጉበኡ፡ ወኩሉ አሸቃልነ ዲበ ለትደለለ ጋብእ ጸንሐ። እግልሚ፡ አዳም ክትብት ወቅርኡት እንዴ ኢቀድር እብ ሰበት ብዕድ ምህነት ወተእሂል እግል ትበርምጅ ለልትቀደር ኢኮን።”

ምን እለ ሐቂቀት እሉ፡ አብደዮት ቅዌት አውላውዮት ተህዩበት ከፊራሮ ጉበአ እተ። እት ኩለ ወጠን ሐድ 1200 መራክዝ(ኩቃዋ) አብደዮት ቅዌት እንዴ ትከሰተዮ ወምን ሰለሰ አልፍ ወለዐል መደርሲን እንዴ ትራተበው እለን እብ ጅድዮት ወመዕጸም ለሸቅል ትበገላ። ፊድል እለ ጅህድ እተ ሐልፈዩ 25 ሰነት ዝያድ 75% ምን መዋጥኒን ምን ፊርመት እብ አጫቢዕ እንዴ ትባላሐው ከትቦ ወቀርኡ ሀለው።

መንህጅ ምህር እግል ዐባዩ ለእሉ

ከትቦ ወቀርኡ እት ናይ ምዕላይት መንበርህም እት ዐመል ለልትነፋዕ እብ ድራሳት እግል ልርክቦ ለሰዴ እንዴ ጉበአ ትዳላ። ቅርኡት ወክትብት ክም አመረው እተ ናይ በዲሮም እግል ኢለክቅብሎ ሀዩ፡ አምሮም እግል ልጠውሮ ወለተዕሊሞም እግል ልሓፍቶ እቱ ለሰዴ፡ አክለ በርናመጅ አብደዮት ቅዌት መትመዳድ ምንመ አለቡ ናይ ቀለም ምህር እብ ናይ አምሱይ ድራሰት እግል ለአተላሉ ጅህድ ጉበኡ። እምበል እለ ናይ ተዕሊም አጅወእ ለቡ ድዋር እግል ልትከለሎም ምን 90 ለኢልውሕድ ናይ ብሩር መክተባት(ላይብሬሪታት) ትክሰተ። እግሉ ለጉበእ ዐውል 600 አልፍ ነቅፈ እብ ናይ ወጠን ሀገሊት ለትክብብ እት ሰግለልትረኩብ አክትብት ክም ልትወዘዕ እተን ጉበኡ። እት ዐድታቶም ክቴብ ለቡ ያፍታት ክም ልርኡ ጉበኡ።

እትለ በርናመጅ አብደዮት ቅዌት ምን 15 አሰክ 45 ለዕምሮም መዋጥኒን እግል ልሕደሮ ጸብጦም ተ። ሒን ድራሰት ለሐልፈቶም ምን 9 አሰክ 15 ለዕምሮም አጅኒት ሀዩ እትለ ናይ እብትዳእዮት መድረሰት ለለተ'ሞ እቱ በርናመጅ ልትሐቀፎ። ለናይ ሰልፍ መንገኡት ናይለ ተዕሊም አብደዮት ቅዌት ትጉበእ እት ሀሌት፡ ለቅዌት አብደ እብ ተዕሊም እግል ልዕቤ ለልሐዜ መዋጥን ሐድ ኢኮን። እሎምመ ለበክት እግል ልርክቦ ለትፈናተ ጅህድ ክም ጉበእ አሰይድ ትካቦ አፍህመ። እሎም ለቅዌት አብደው እብ ናይ ቀለም ድራሰት ሌጠ እንዴ ኢበጥሮ ምኑ እንዴ ሐልፈው እት ሐዩቶም ለነፍታም ምህነት እግል ልትዐለሞ ቀድረው ምንጉበእ ዶሮም እት ዐማር ወጠን ክም ልትወቀል ባይንቴ። ለመዋጥኒን እክምእኒ ዶል ለሐዙ እግል ልርክቦ ሰበት ወጅብ ሀዩ። በርናመጅ ምህር ዐባዩ ለናይ ቅርኡት ወክታብት ዐለሞት ላተ ለጨ'ቦት ምህመቱ እንዴ አፍዩሐዩ፡ እት ዐለሞት ምህነት ወአምር እግል ልትዐዴ ሰበት ወጅቱ አዚ አሰከ እግል ንትወለብ ለመርሐለት ትጠልብ ምንእነ ሀሌት ልብል አሰይድ ትካቦ።

መትነፈዐት በርናመጅ ምህር ዐባዩ መንቶም ምን እምብል እግል ልድረሶ እቱ ለወጅብ ፅምሮም እብ ኢረከቡ ወቅት ለሐልፈ.ምናም መዋጥኒን ኩሎም ቶም። አንሳት ወተብዕን፡ ሰብ መዳይን ወብሩር፡ ነኣይሸ ወዐባዩ። ዝያድ እግል ለኣድሚዕ ላኪን ምን 15 አሰክ 45 ለሀለ አዳም ለመፍርያይ ክፈል ሙጅተመዕነ ሰበት ጉበአ ተዕሊም እብትዳኢ እግል ለአትምም ላዝምቱ(ልትቀሰብ)። ምኑ ወለዐል ለሀለ ፅምር ላኪን ጅብር ምንመ

አለቡ እግል ልትዐለም ምን ሐቁቱ። መብደእ ኤረትርዮ “ተዕሊም እግል ኩሉ” ተ። ወእት እንቱ መኣንብታይት ደረጃት ኩሉ ኤረትርያይ እግል ለአትምመ ጸብጦቱ። ላኪን እለ ኩሉ ረክቦ በህለት ኢኮን። እብ መንበረት ሰብክ ወሰግም፡ ሪም ምድር ምን መዳርሱ፡ ግድዐት አውመ ኢሕሰር ዋልዴን እተ ናይ መድረሰት ፅምሮም እግል ለአንብቶ ለኢቀድረው አጅኒት እበ ሐልፈ.ምም ሰናቶም እግል ለዐሩ ለሰዴ ኤታን ፈግረ። ምን 9- 14 ሰነት ለዓማሮም አጅኒት ለልትሐቀፎ ኣቱ በርናመጅ “ዐርዮ” እት ሰለሰ መርሐለት እንዴ ትክፈለ እት 18 ወሬሕ ደረጃት መኣንብታይት ለለአተሞ እቡ መንህጅ ተዕሊም ምህር ዐባዩቱ። እትለ ለክሱኣት 100 ለገበአ መራክዝ ክፋታት ሀለዩ። ለአጅኒት እለን ሰለሰ መርሐለት ዶል ለአተ'ሞ እት ምግባይት ደረጃት እት ረሰሚ መዳርሰ እግል ልእተው ቀድሮ።

ምህር ዐባዩ አህምዮቱ ዐባይ ለወድዮ ብዙሕቴ። እምነትኩ እት ኖሰክ እንዴ ተንኩበክ እብል እግል ወጠን ለናሱበ አግቡይ ዐዳለት እጅትማዕዮት መዲድ ጉበአ ምንጉበእ ቀደም ወጀዶት ክድመት ዐማር አዳምነ እብ አምር ወምህነት እግል ልትዐመር ብእተ። እት ኤረትርዮ እት እያም ሕርዮት አዳምነ 20-30% አንሳት ሀዩ 10% ሌጣተን ከትብ ወቀረኣ ለዐለዩ። ቅዌት ለዐ'መቶ ሽዑብ እለ ለሐዜ ዐቦት እግል ልብጸሕ ሰኒ ክቡድቱ፡እብሉቱ አውላውዮት ለተህዩቡ፡ ፊራሮ አብደዮት ቅዌት እበ ሰልፋ አሰክ ሰነት 1998 እብል ትፈናተ መሻሬዕ ክም መሕበር ወጠን አዋልድ አንሳት ወብዕድ መሻሬዕ ልትሸቄ ዐለ። እለ ፍትጡር መሻሬዕ ለልትሐዜ ሀለ ሀደፍ ኣት አገዳት እግል ለተብጽሐ ሰበት ኢቀድር ሕኩመት ክም ዳይ ወጠኒ እንዴ ነሰአቶ ፍንቴት ሚዛንዮት ገኡት እሉ ወበርናመጅ ሕኩመት ጉበኡ። ምን ሰነት 2000 ወሐር፡ “አብደዮት ቅዌት ልጽነሕ ለኢልትብሀል ዳይ ወጠንቱ” ለትብል ሰቅራት እንዴ ሀረሰነ እብ ሕበር እግል ልትሸቄ ተዕቢኣት ወዳኑ። ወራራት ወያኔ እንዴ ቀንጸ አዳም አሰክ ድፋዓት እት ልትፈረር ሕነ ክቴብ ነኣዳሌ ዐልኑ። ቅዌትመ እግል ትፍረሰ ለበ ጅብህት ትርድት ምን ጉበኡት ወራር እት ገይሰ ዋያራት እት ዘብጥ ክድመት እግል ሽዑብ እግል ነህብ ሰበት ዐለት እነ ለሸቅልነ ኢበጥረ” ፈቅዶ አሰይድ ትካቦ አይመት። ሰብ ሸርኩት ሕኩመት እንዴ ገአው እተ በርናመጅ ለሰዴ ጅሃት እበ ወራራት ክም ትባረደው መሕመት ኩሉ ለሚዘንዮት ኖሰ ምን ትከለፈት እቡ ኢበጥረ። ምን 2002 ወሐር ሀዩ ኩሉ ለበርናመጅ ወሚዘንዮቱ እት ሐንቴ ታመት መስኡልዮት ሕኩመት ጉበኡ። እብ ፈድል እለ መትሰባል ሕኩመት ወሽዑብ እት ሰነት 2008 ድራሰት ዶል ጉበኣት 65% ምን ሽዑብ ኤረትርዮ ቅዌት አብደ። ሐቆሁመ እት 2010 እብ ወጠንያይ መክተብ ስታቲስቲክስ እበ ጉበኣት ድራሰት 75% ምን ሽዑብ ከትብ ወቀርኢ ጉበኡ። ለበርናመጅ ልተላሌ ሰበት ሀለ ዮም ሐቆ ሐምስ ሰነት 80% እግል ልግበእ ክም ቀድሮ አሰይድ ትካቦ ጌማሙ ለሀይቱ። እብ ገበኢሊጣመ



አሰይድ ትካቦ አይመት

ኢኮን ሀዩ ልብል “እበ እለ እንረኤ ሀሌነ ዲብ እዳራት፡ ሕርያናት መሓብር ገበል ወመሓክም ደገጊት እንርእዮ ለሀሌናቱ፡ ሰሙ ለኢኮትብ ኤረትርያይ ሐድቱ።”

እብ አሳሰ ሐብሬ አሰይድ ትካቦ ለእብ ሰብበ መናበረት ሰብክ ወሰግም ምህር ዶልክ ልትካረም ወለኣትብት ለዐለ እግል ልትረፍ ጅህድ ጉበእ ሀላ። አዳም እተ መዳርሰ እግል ልምጸእ በደል ልትቀሰብ ለመዳርሰ ኣተ አዳም ሀለ እቱ እግል ሊጊሰ እግል ልሰበክ ምሰሉ ወልሳግመ ልትሸቄ ሀላ። ክምሰልሁመ እት አዩ ደዋሐ ዝያድ ሸቅል ልትሐዜ ክም ሀለ እግል ልትፈረግ ኩለን እት ኤረትርዮ ለሀለዩ ዐድታት እት ሰለሰ ክፋላት ሀለዩ። ቅዌት ለአብደዮ(ደረጃት አብደዮት ቅዌትን ለኢተአሰፍ)፡ ወራት አብደዮት ቅዌት ለጉበኣት እተን ላኪን ለተጠውረን ክም ለ ልትሐዜ ለኢጉበኡ፡ ወኩሉረኣሱ በክት ለኢረክበዩ እንዴ ትበሀለዩ እብ አሰማይ ጽብጣት ሀለዩ። እብ አሳሰ እለ ድራሰት ሀዩ ከም ደረሰ ሀለው፡ አክል አዩ ሚዘንዮት ወሰብ ምህነት ትትሐዜ እንዴ ትፈረገ ኤታን እግል ልዳሌቱ። ምኑመ ወኪን እት ዐቦት እግል ልትሐሰብ ቀድሮ።

ለናይ እብትዳእዮት ደረጃት እንዴ አትመመው ድራሰት አምሱይ እግል ለአተላሉ ለሐዘቱ እተ ዐባዩ ደገጊት ወገሌ መዳይን ለኩበር መዋጥኒን፡ ፍንቴይ ናይ እንግሊዝ ድራሳት እግል ልትሀዩቦ ጸገም ጉበኡ። እግልሚ? አሰይድ ትካቦ ክለ ቤለዩ ለእብ በርናመጅ ዐርዮ እብትዳእዮት ለለተሞ አጅኒት እንግሊዝ ሰኒ ኢደርሶ ወላመ ለአደሩሳም ምንሕኔት ቃውያም

ዲብ እንቶም ለዐቡ እበ እለ ብኩም አድሩሳም ሰበት ልትብሀሎ። እት ተዕሊም ግዛሚ ክም ኣተው ልትገዳዕ። ክታብ ከፎ ልትጸበሞመ ኢለአምሮ። ምናተ እት ገሌ ኣካናት ሕሰራም እዳራት ወመዳርሰ መምህረት እንዴ ሀበምም ለሐልፈ.ዮም በክት ክም ለዐሩ እቡ ወዱ። ገሌ አማክን ምን መዳርሰ 50 ኪሎሜተር ራይም ሰበት ጉበእ ዕሣል እንዴ ወደው እሉም አሰክ ሐል ልትረከብ እሉም ክልኤ ሰለሰ ሰነት እት ጽላል ለአደሩሳም ጸንሐ። ገሌ ሀዩ እት ቦርዲንግ ነድኡ። መቃብል እለ ሀዩ አሰክ ቦርዲን እግል ልሳርሐ ለኢሊዘቱ ወዝያድ እግል አንሳት ሰበት ሀለው እንዴ ተዐጠለዩ ለተርፈ አዋልድመ ብዘኣት ተን። ለኢተሐለለዩ ሀዩ እት እብትዳእዮት እንዴ ኢበጥረ ካልእ በክት እግል ልርክቦ ለትጀህደዩ ሕዳት ኢኮን። እግል መሰል እት አፍዐበት የአምር እንግሊዝ ዐቦተን ሰበት ተክሉ እብ እብ ግሩሸን ተዕሊም እንግሊዝ ለአንበተዩ ዐለዩ። እግለ መባደረት ኖሰን ሕኩመት እንዴ ተሌተን እተ መዳርሰ ምግባይት ወክልኣይት ደረጃት ፈትሐት እለን። እንዴ ደርሰዩ ሀዩ ብዘኣት መደርሳት፡ ሸቃሊ መኣሳት ወወብራት ጋብኣት ሀለዩ። ለመዳኒት ለተሐዝዡ ቅድረት አዳም ምን ኖሰ እግል ትካረዕ ምን አቅደረህ ትትዐለም ለሀሌት መዳኒት ኣተብሊዩህ።

እት ገለብመ እብ ገበይ አብደዮት ቅዌት እንዴ መጽአዩ እት ደረጃት ለበጽሐዩ ሐድ 400 ዲብ ጀራዲን፡ አንሰሳት ንህብ ወራታት ተጃረት ለመሰል አሸቃል ዲቡ ሀለዩ።

ልተላሌ-----





ካልኢ ወራር ወእንሰሐብ እሰትራተጅያይ

ዶ/ር ተሸላላፊ ፍቃዱ እት “ሄራር ምን ነቅፈ ኣሰኸ ነቅፈ” ለልብል ክታብ እብ ክሰላሰሰ ሐቕ ተሕረር መዳይን እት ክፍላት ሰነት 1978 ለትረኡ ቴሌል ወራራት ኣባይ እብ ምሮ እንክር፡ ወእብ ካልኡ መንጥባል ወፍርሰት መናድሊን ቅብላት ጃሽ እሰትራተጅያይ እንሰሐብ እብ ልብል ኣርእሰ ለዳሰ ጽብዦ እግል ዮም 13ይ ክፋሉ፦

ግዞም ኣቶብዩ ወሲድዮቱ መሰኢቲ ሚ ዐለ ጉበኛ?

ግዞም ኣቶብዩ ወሲድዮቱ ሰውረት ኤረትርዮ እግል ንደምራቲ እንዴ ቢላው ምንመ ልትብገሉ ደማኸት ታመት ዐለት እግለው እግል ነባል ደእንቀድር፡ ሰበቡ ሆይ እንዴ ኢልትብገሉ ዲብ ዓለብርዕድ ለሳደፊቶም ነሳር ዐባይ፡ ዲብ እምዐሚዬ ለጽብጠዩም ፊልል፡ ሰውረት ኤረትርዮ እግል ትደመር ክምህል ኢትቀደር ዲብ ፍንጌ ሱቡ ሰልጠነት ኣቶብዩ ሽክ ወመክሐደ ዐለ፡

“ሰውረት ኤረትርዮ በዴት” ለቤለዩ ወሽቱበ እንዴ ጉበኛዩ ለገንከዩ ፍንጌት ናደላ ወራር ፋዩሕ ልትዳበረ ለዐለዩ ድወልመ ሐውዳት ኢትን፡ ክምህል ፍንጌት ናይ እሊ ፈተሻ ሰውረት ኤረትርዮ ልትባህለ ለዐለዩ ድወልመ ሰዳይተን ኢትሃረመዮ፡ እት ፍንጌ ኣባይ ወሰውረት ኤረትርዮ ጉበኛ ለዐለ ሽፍ ክምህል መጽብትን ፍንጌ ዳውድ ወገልያድ ጉበኛ ለዐለ ሽፍ ተ፡ ኣው ሆይ ክምህል ኣልመ ፍልፍል ወለሰውም ኣርፍ ማንደዕ ዐለ እግል ነባል እንቀድር፡ ዐለም እግለ ሽፍ ክምህል በኣሰ ሐዩት ወእምበርህጋይ እንዴ ነሐቲ ተኣተቃብል ዐለት፡ ለሽፍ ዶል እንገንሐ ግዞም ደርግ እብ ኣሰደፍ ባቄዕ ልትሻፊፍ እት ሆይ ሰውረት ኤረትርዮ ሆይ እብ በሰር ወፍድብ ተኣክሙት ወትዋሬ ዐለት፡

ደሐን ንትርኤ ፍልፍል ሰላሙነ ገበይ ሳቡር-ፍልፍል እብ ጠቢዐት ወገበይ ፍልፍል እምዐሚዬ እብ 504 ለልትባህል ዳሽ ኣባይ ትደብኣዮ፡ እሊ ቴሌል እሊ እብ ዓመት ወለ ናይ ኣባይ እግል ጅብህት ሽዕብዮት ሲ ዲራይ ዐለ፡ ለገበይ እብላጉበኡ ዐውል እግል ትትፈተሕ ዐለት እግላ፡ ከኡብሊ፡ ዳሽ ጅብህት ሽዕብዮት እግላ ገበይ እምዐሚዬ ዳብኡ ለዐለ ዳሽ ኣባይ እንዴ ሀጅመ ዲብል እት ፍንጌ እምዐሚዬ ወማንራራብ በሐር ለዐለ ጋደሞታት ሽተዩ፡ ለገበይ ክምህል ትፈትሐት እብ ዲብ ፍልፍል ክጽዕት ለዐለዩ ምን ሳክል ለመጽኣዩ ዐረባት እት ክል-ኣምዕል መጀርሐን፡ ሐማይም፡ ምሳኡናም፡ ዲብ ሐንቲ ክትል ሰውረት ለዐለ ገበል፡ ጸዋር ወመምተላት ኣሰኸ ሳክል እግል ነኣግሪክ ዐል፡ ኣቢ ክምህል እትተዘኡ ለናይ ደንገበ ምን ፍልፍል ለትብገሉ ኣርበዕ ዐባይ ዐረባት ወሐቲ ሽዕብ ለጸዕነት ባሰ

ዐለዮ፡ ክሉ ኣምዕል ወመምተላት ኣሰኸ ሳክል ክምህል ሳርሐናህ ደማርን እግል ለዓርፍ ቀድረ፡

እትላ ኣምዕል እሊ ክልኡ ውሕዳት ሕክምነ ግረ ከዋ ኣባይ እግል ልትረፈ ትቀረረ፡ ግረ ከዋ ኣባይ ለልብል ፊህም ለዶል ለሀይ መጽእ ዐለ፡ እግለ ግረ እንሰሐብ ኣባይ ለጽብጠዩ ኦኑፍት ለክሰሰ ዐለ፡ ምን ክልኡ ውሕዳት ለሐቲ ዲብ ሰማናዊ ባክሪ እግል ትጽንከቴ ለሐቲ ሆይ እብ እንክር ሞብሉት ወምፍጋር-ጽሓይ (ዐሊጊዬ) እግል ትትቀመም ትቀተረ፡ ሽክነት ሞብሉት ለልትብገሉ ኣንፋር እባህም ትትቃህመው፡ ለዲብ ሰማናዊ ባክሪ እግል ትጽንከ ለትባህለት ውሕደት ሆይ፡ ዲብ ባኑት ዓለ-ዕር፡ እት ነሓራት ክልኡ ሳዕት ወሰር ምን ፍልፍል፡ እብ ዓመት ዶል ትርእዩ ዲብ ኦኑፍት ኣሚን እግል ትግዐዝ መትዳላይ ወዳት፡፡

እሊ፡ እግል ክልነ ራሐት ክልቀ እግል፡ ለምሳኡ ለሀ ክልነ እንዴ ትጀምሪን እት ንትሃጀክ ወንተልፊ ኣምሴ፡ እሊ ለናይ ደንገበ ሳሊ እት ፍልፍል ዐለት፡ ሐቀለ ኣምዕል ለሀ ፍልፍል እግል ቅዋትን ደማኸት ለኣለበ ኦኑነት ጉበኛት፡፡

ፊጅር ምድር ክምህል ጽብሐ “ፍልፍል መርኢትን እት ከር” ለእንቢ እት ኣምዕል ዐለት፡ ለኣምዕል ለሀ ምን ዐብ ወጀርሰት እንዴ ትገኝ ለዓረፍን እት ኣምዕል ዐለት፡ ለክልኡ ግረ ኣባይ እግል ልጽንከ ለትቀረረ ውሕዳት ሕክምኑ ኣሰኸ ሳክል ለልትብገሉ ኣንፋር መን እብ ምን ዶል ዶል መጽኣ ለዐለዩ ዐረባት ኣሰኸ ሳክል ትብገሰው፡ ሕናመ እት ገጽ ምሳኡ እብ ቀደም ክልኡ ኣምዕል ሞጂዮት ውተሰፊኦሎም ለመጽኣው እብ ሳንድርብር ኣሰኸ ሳክል እግል ንትብገሰ ዐለት እግል፡ ወቅት ካሬ ሰባት ዐለ እግልን እንዴ ኣሰተርሐነ እብ ክሰሰ እት ቀበት ክልኡ ሰነት ለኣለፍናህ ሓላት ንትሃጀክ ወዕል፡ እግለ ቀደም ክልኡ ሰነት እት መሓዝ ዐንሰበ ለትሰርገለት ዐውቲ ወቀደም ሰነት ለትብኡ ክርዶን መዲነት ባጽዕ እንዴ እትፋቀድ ገዢርዮፍ ሐደሰ፡ እብ ፍንቲይ ሆይ እት ሰነት 1976 እት ገንፈሎም ለትሰርገለት ዐውቲ ፈቀደት፡ ዶል ለሀይ ኣባይ ክቅፈ እግል ለኣድሕን ምንመ ትብገሉ ክቅፈ እግል ልብላሰ ኢትን ሳክል እብ ተማመ ለጽብጠዩ እት ኣምዕል ዐለት፡ እት ክምህልህ መን እት ወቅት ለሀይ ለኣምርት ሕላዩት ግንሰቲ (ኒጎ) “ኤሪዬ ኤሪዬ ወሳክል ኣለን ተብገሰ ንክኣልፋ ቅበጸ ሎሚሰ የለን ተሰፋ” (ኤሪዬ ኤሪዬ ሳክል ምንመ ትብገሉ፡ የም ላቲ ጸበር)፡ ለልብል ሐልዩት ልትሐሌ እቲ ለዐለ ወቅት ተ፡፡

እት ወቅት ለሀይ ዳሽ ኣባይ እብ ዐሰር ሐምሰ ዕጽፍ (ጀሽ ምርት ኣቶብዩ ሆይ ዐሰር ሐምሰ) በከኡ ምን ዐለ፡ ነቶዩት ውጠኬኡ

ሰላኡ ሆይ እብ ኣሳሰለ ምርት መናድል ለቤለዩ ምብላሰ “ሊከርብ እት ፍንጌ ሱብ ኣሰደፍ ወሰብ ነወደ ዐለ፡” ኣገሙደ ዳሽ፡ ኣረጃጃን ምን ኣሰልሐት ወገምየት ሐርብ ውሓድ ሲሸት ሳክል እግል ልጽብጦ ትብገሰው፡ ክኡብሊ፡ ሐት ሐቲ ለክላዩት እግልን ትትሐሌ ህለት ሚ እግል ኣባይ? ለልብል ሰኣል እግል ገሌ ወቅት ዲብ ፍክርዬ ለኣትቃብል ዐለ፡ ዲብ ገንፈሎም ሳትር እንዴ ጸብዮን እግል ንትሓረብ ሓሰባም እት ሕነ ኣባይ እምዐሚዬ ሰባት ጽብጠ፡ በርናምጅን ትብተት ምን፡ ኣባይ ገድም እንዴ ለኣላይም ምን ከርን ኣሰኸ ኣፍባብት ሄረረ፡ እት ወቅት ለሀይ እግል ደርግ፡ “እንተ ምህል ኣሰደፍክ ወሕነ እብ ክምትን እት ሳክል ንትዋጀህ” እት ኢትን ብሐድ ለኣትብሉ ደዐለ እግል፡፡

ኣልዐሰር ሞጂ ዳዊት፡ እነ ወተሰፊኦሎም ምህል እንዴ ጉበኛን ኣሰኸ ሳክል እግል ንትብገሰ ትዳሌ፡ ኣሰኸ ዓለ-ዕር እግል ትትብገሰ ለዐለት እግለ ውሕደትመ እግል ትትብገሰ ትዳሌ፡ ለኣምዕል ለሀ ምድር ደብት ክብድ ዋዲ ሰባት ዐለ ጸባቢኡ እግል ንትብገሰ ሰትት፡ ክምህል ትብገሰን ምድር ማሲ ሰባት ዐለ ዋደራት ለዐረን ለልብል መሳኢት ዐለ እግል፡ ባኑት ሳዕት ሐምሰ ናይ ምሴ ሆይ ክብደይ ጉበኛ፡ እሊ ሳንድርብር እሊ ለናይ ደንገበ ምን ሰማናዊ ባክሪ ኣሰኸ ሳክል ለትብገሰት መኪነት ዐለት፡ ምን ፍልፍል ኣሰኸ ሰላሙኑ ሆይ ሽክነት ቅብሉት እንዴ ኣወለዋን ኣሰኸ እምዐሚዬ ሄረር፡ ኣሰኸ ቅብሉት እንዴ ገሄር፡ እግለ ምን መንተብሌ ለደንን መሓዝ እንዴ ተዐዳቴ እግል መንተብሌ እብ እንክር ሽክነት ምውዳቅ ጽሓይ እንዴ ሐደዋን እት ገሄር፡ ምድር እግል ልጽልምት እምነት ዐለ፡ እምሳል እሊ መሓዝ እሊ ምን ቅብሉት ኣሰኸ ሞብሉት ለልትመደድ ኣድብር ለደንን መሓዝ ሳኑ ማይ ኣሉ፡ መሓዝ ደን ለልትብህሉ ህለው፡ እሊ መሓዝ እሊ እግለ ለልትነዩ ዲብ ጋደሞታት ለኣምዕል፡ እት ባኑት ለልትረከብ ደገቢት እብሊ መሓዝ እሊ እንዴ ትፋቀድ እትይ ሲ ረከቡ፡ እግል መሳል፡ ብህሰ ወሽዕብ እብ መሓዝ ሳኑ ሰትፋ፡ እምሳል እሊ መ ክሉ ዲብ መዋቅል ክበሰ ለትብር ገበል እግል ርዕዮ ገዋዩ እትሊ ጋደሞታት እሊ ሰብዩ፡ እሊ ጋደሞታት እሊ እብ ተማመ እብ ማሸሊቴ ዕፋን ውበዕድ ኣጅናሰ ለትገልቡ፡፡

እሊ ደሞራት እሊ ጋደሞታቱ ወእውደጉ ምን ገጽ ኣምዕል እብ ኣምዐ ወንዋይ ምሉእ ልትርኢ፡ ገጽ ሳሊ ሆይ ዲብል ትፈናት ኦኑፍት ቶጭ እሳት ልትርኢ፡ ዐረባትመ እብ ገጽ ሳሊ ኣሰኸ ሳክል ኣው ሰማናዊ በክሪ ባፍህን እንዴ ኣብርሃዎ ጃጅ እት ልብላል ልትመዩ፡፡

እብ መንተብሌ ለትካረ መሓዝ ክምህል ተዐዳቴ ዲብ ቀርወሬት መሓዝ ሳኑ ብህሊ ማይ ኣሉ ክምህል በጽሐነ ርይ ናይ ኣምዐ እንዴ ደእንርኢ ሐሰፍናህ፡ ዲብ ክሉ ለግረህ ማሸሊቴ ዕፋን ገዋይ ልግበኡ ወኣምዐ ደዐለ፡ ዲባመ እብ እንክር ምውዳቅ ጽሓይ ምን ገበይ ሰላሙኑ ደን ኣው እምዐሚዬ ለሀላ ኦኑፍት መሳክብ ሰብክሳም ሳቶም ሱብ ገዋይ ምንግዮ ክሉ ረኣሱ ቶጭ እሳት ልትርኢ ዲብ ደዐለ፡፡

ምን ፍልፍል ኣሰኸ እምዐሚዬ እንገድሕ ኣምዐ ወንዋይ ኢትን ሳሊ እንዴ ልትሓረር እንርእዩ ለእርን መንተ፡ ኣራባት ሐሽዪል ወሽጊት እግል ንርኢ ኣቀደር፡፡

ዲብል ደሞራት ለሀይ ሰባት በጽሐነ ለውቀት ትሰምዐተ፡ ሰበቡ ሆይ ለእብ ገሄር ዐልነ ሳንድርብር እት ፍንጌ ሰላሙኑ



ወእምዐሚዬ ገሌ ምንዲ ትጉበኛ ለረድኣነ ወኢረከብ፡ ምን ኣመረ ገሌ ምንዲ ጀሬ ዲብ እንዴ እንቢ ለጸብዮናህ ጋር ደዐለ እግል፡ ለመኪደድን ሐሬ ዶል ሐሰብናህ በክትክ ዲብ እዳክ እንዴ ወዳክ ሄራር ሌግ ቲ ለዐለ፡፡

ዲብ ባኑት እምዐሚዬ ኮም ምን ሰናዱቅ፡ ቀናብል ወክሰል ኣሰልሐት ዐባይ ፍንጠር እት እንቲ ርኢ፡ ዲብ መሓዝ እምዐሚዬ ክምህል ኣቲነ መናድሊን ጸንከው፡ ለገበይ ኣሰኸ ቅብሉት ትገደሰ እንዴ ዐለት፡ ኣሰኸ ምውዳቅ ጽሓይ በህለት ኣሰኸ ሽክነት ቃምጩወ ምን እሊ ኦኑነት እሊ ተወልዮ፡ ዲብል ኦኑነት ለሀ እንዴ ዓረፍን ለሐርብ ዲብ ኣዩ ክምህል ጉበኛ? ኣባይ ክምህል ትደውሽሽ ዲብ ኣዩ ሳትር ክምህል ጽብጠ? እት ደንገበ ሆይ ዲብ ሐልፊዩ ኣምዒት ለሳርሐናህ ዐረባት ሚ ዶል ክምህል ሐልፊ? እግለ መናድሊን ትሳክልናህም፡፡

ለኣት ደንገበ ለትብገሰት ባሰ ቀደም ገሌ ሳቦታት ክምህል ሐልፊት ሽረሐው እግል፡ ሐሬ ክምህል ኣመርናህ ለሳሰ ዲብ ማይ-ሳበ ወዐለት፡፡

ዲብል ወቅት ለሀይ ደብት ቀላል ሰባት ዐለ ወሬኡ ሲ ዳምቀት ዐለት፡ ለእግሉ እንርኢ ዐልነ ሰዋትር ሐርብ ለትብኡ እቲ ክምህል ቲ ኣመር፡ ለሰዋትር እት ፍንጊል ዐክል ወእት ሐንቲህን ለዐለ መሓዝ ዐለ፡ ለሐርብ ሆይ ዲብል ደሞራት ለሀይ ኣንከዮ፡ ምን ለዐልነ ዲብ ኦኑፍት ሽክነት ምውዳቅ ጽሓይ ክምህል ትብገሰን ለገበይ እብ ኦኑፍት ውቁል ሰባት ተሐልፍ እንዴ በጠርን ለኣብ እንክር ሞብሉት ምን ለዐለ መሓዝ ኣቅመትናህ፡ ለመሓዝ ሲጋር ናዩ ምን ሕምሰ ኣው ሆይ ሰሰ ምትር ለኣብኪት እብ ደብት ለትመልኡ ዕጩ ዐዳይ ውበዕድ ከተክት ለቅሶል ዲብ መሓዝ ተ፡ ኣባይ ዲብ እሊ ኦኑነት እሊ እንዴ በጽሐ ኣሰኸ ዲብ ቃምጩወ ለኣወልዋ ዳሽ ጅብህት ሽዕብዮት እንዴ ኣትባሰሰ ዲብ ከርዶን ኣተዩ፡ ኣብ ሀደማይት ሆይ ተናን ኣፍገረ ምን፡ ኣባይ ህጃም ጅብህት ሽዕብዮት እግል ልክህሉ ሰባት ኢቀድራ ኣሰኸ ጋደሞታት ትፈንጠረ፡፡

ምን እምዐሚዬ ኣሰኸ ቃምጩወ እንዴ ኢንትብገሉ ዐረብዮትን ዲብ ሓዳ ትረወክት፡ እንዴ ሐፈርን እብ በሳር ዐረብዮትን ኣሰኸ ነኣፊግር ሆይ ወቅት ነሐኡ ምን፡ ቀደም ለምድር ዐረባት ዐባይ ዐረባት መደርዳት ወደባት እብ ብኪኤ ሰነት ኬደሃሁ ለጨለል እንዴ ተክመ ዐርባት ረወክ ዐለ፡ እግል ቃምጩወ እንዴ ሐላፍን ገበይ ኣፍባብት-ሰብርቀጤ ተልብዮ፡፡

መጋዊሕ ቀዝፍ ኣሰላሐት ክብድ ደቅድቅ ዐለ፡ ምድር ክምህል ጽብሐ ሆይ ዋደራት እግል ልሆብል ኣንከተዩ፡፡

ዐገት እግል ንብጽኡ ብክክ ከሎሚተራት ሰባት ተርፊኑ ዐረብዮትን ሰባት ከርባት ምን ገበይ እንዴ ትሸገኪን ለዐረብዮት ዋደራት እግል ኣልገላዩ እብ ኣቅሹን እንዴ ገልብብናህ እብ እንርን ሄራርን ኣተላላ፡ ዲብ ዐገት ክምህል በጽሐነ እግል ዲብ ለጸንከውኑ ኣንፋር ጋራጅ ለሳደሬኑ መታክል ሓኪኑ እግለው፡ ሐረክት ዋደራት ክምህል በዋረት እንዴ ገሰው እግል ለኣምጽኦው ክምህል ቲ ኣሰላለው፡፡

ህቶምመ እምዐሚዬ ሚዶል ክምህል ሐላፍናህ ትሰኣለው፡ እት ባኑት ሳዕት 1:00 ሐቕ ሰርላሊ ክምህል ቲ ክም ኣሰላልናህም ግውሐት ሐርብ ክምህል ተኣንክት ኣሰላለው፡ እት ፍንጌ ሰላሙኑ ወእምዐሚዬ ለዐለት ገበይ ሰባት ከርባት በክት ዐቢ ጉበኛ እት ሆይ እግል እምዐሚዬ ኣገድ ሰባት ሐላፍን ምን ብቅት እግል ንድሐን ቀደር፡ ናይ ደንገበ እብ እምዐሚዬ ለኣልፈት እሊ ናይኑ ሳንድርብር ዐለት፡፡

ሐቕ ኣከበር ኣንፋር ጋራጅ እብ ብሐደት ሳንድርብር እንዴ ገሰው እግለ ካርባት ለዐለት ሳንድርብር እንዴ ኣሰኸው መጽኣው እቡ፡ ባኑት ሳዕት 5:30 ጉበኛ ምን ዐገት እንዴ ትብገሰን ምድር እንዴ ኣልዐወድውድ ደብዕት በጽሐነ፡ ዲብ ደብዕት ለዐለው ሳጅኢን ሰርም ገሌ ሰባት ገዐዘው እብ በደን ሐድኑን እንዴ ጉበኛት ጸንከተ፡ ሄራርን እንዴ ኣተላላኑ ሰፍዋ ኣመቅረብ ሰበርቀጤ ኣቲ፡ ሰበርቀጤ ሐቕ ሐቲ ሰነት ወሰር ኣቅባልክው፡፡





አውኪር ወአቦቶም ዳፍአት እት ነአስተንትን ንድረሰ ምኑ

ዳፍአት፡ ውላጄ አውኪራም ከአፎ አስመንኩም። ድሩስክም ሰኒ ተሐፍዞ ወትሸቁ ህሌክም ማሚ። ተረዶ-ተረዶ ውላጄ አውኪራም። እምትሓን እንዴ አመጸክም ምን አዜክም ሕፊዞ ወለኢትፈሀሚክም ሕድ ትሳክሉ።

አውኪር፡ ሰኒ እንደርስ ህሌኑ ወምንእለወለዐልእግልንተረድ እግል ንሕፈዝቱ። ለሐልፈት ሳምን ድግም ምህመት እግል እዳግም እግልክምቱ ብህለትኅ ዐልኪ ከዮም እግለ ማጸምኪ ህሌኑ። እለ ሳምን ሚ ዶል ተምም አቦቼ ዳፍአት ለድግም እግል ትዳግም እግልኑ እንብል አስመኑ።

ዳፍአት፡ መርሐባቦም አውኪር፡ ሳምን ራይመት ዲብክም ሐቆ ዐለት እላተ አዜ ጠበሽ ብህለትክም ህሌት። አዜ እብለ እንሰር ዲብዬ ቅረቦ እግል እዳግም እግልክም። ወእንዴ ትሰምዖ ድረሶ ምነ ውላጄ አውኪር።

ሐቱ መደት ዐድ ወልዬ እግል እጋንሕ ጋይሶት ዲብ ኣነ ዲብ ጄራኖም ለጀሬት ሕካዩት ተ። ምስል ዐድ ወልዬ ቡን ዲብ እንሰቱ እድረሰ ለልትበህል እናሰ ዐቢ ምነ ጄራኖም መጼነ ወእብ ወድ-ወልዱ ለሐሰለት ዲቡ ሕካዩት ሓኪኑ። ክእነ ዲብ ልብል ድግሙ አንበተ እግልኑ።

ዮም ፈጅር ዲብ ምስግድ ጸቤሕ እንዴ ዐልኮ ቤት ክምስል አቅበልኮ ለንኡሻይ ወድ ወልዬ ብካይ እቡ እንዴ ትኅፍሐ ጸንሐኒ። አቡሁ ሸቅል ፍሩር ወእሙ ዲብ ጋር ቃንጸት ሰበት ዐለት። ጅኔታይ እምበል መአዝማይ ቡኑ በኬ ዐለ። ኣነ ምን በረ ዲብ እመጺእ ለብካዩ ምን ረዩም ሰምዐክወ።

ድንጉጽ ዲብ ኣኑ ሚ ጉበኣክ እንተ ጅኑ አፎቱ አክል እለ

በኬክ? ዛጠጠውክ ወለ ሐመምክ ከአክል እለ ትበኬ ህሌክ? እግልክ እትሃጌ ይህሌኩ አፎ ኢተአስእለኒ? እቤሉ።

ጅኔታይ ላቱ ዲብ እዴሁ ጽብጡ ለዐለ ባኮ ዲብ ገኔሕ ብካይ እቡ ሀክነክ።

እብ ሓለቱ ሓርቅ ዲብ ኣነ “እንተ መክሩህ! ኣነ ሚ ጀሬት ዲብክ እብል ወእንተ ምን እለ ለዲብ እዴክ ጽብጡ ለህሌክ ጸንብክ? እብለ ሞረ ደገድግ እንዴ ይእወዴክ እብ ሸፋግ አስእለኒ። እለ ዲብ እዴክ ህለ ምን ሀቤካቱ ወሚ ወዴክ እቡ?” እት እብል ሞራዬ እበ አትፋክኮ እግሉ። ወድ ወልዬ ብካይ እቡ ንፋሕ ዲብ እንቱ ምነ ሞራዬ ሰበት ፈርሀ ሸበህ አተንፈሰ እት ለሀናፍእ እግል ለአስእለኒ አንበተ።

አብዕቦ እለ ባኮ ናይ አቡዬቱ። ወአቡዬ እንትሓር እግል ሊዴ እቡ ለትዛቦዩቱ። ሕነ ለአጀኒቱ በስከዊት ትዛቤ እግልኑ ዶል እንብሉ። በስከዊት አንዶብክም ተአከርብ ልብለኑ ከኢልትዛቤ እግልኑ። ወህቱ ርሐ እግል ልቅተል እንዴ ቤለ እለ እሉ ትርኢ ህሌክ ባኮ እብ ግሩሹ ልትዛቦዩ። ኣነ ቀደም እለ እለ ባኮ ምን ቅሩብ ርኢሁ ሰበት የኣነ ናይ ሞት አመስሉ የዐልኩ። ዮም ላኪን ዲብ እለ ምስካቡ ጸንሐኒ ከምንዲ ቀርአክወ እለቱ “ሰጃረት ትቀትል” ለልብል ክቱብ ጸንሐኒ ዲቡ። እግልኑ ለአጀኒቱ አንዶብክ ለልአመይት ክልኣነ ወህቱ ክለ አርወሐቱ ለልአመይት ልትዛቤ! ዲብ ልብል ለአበክዩ ለዐለ ቱለል ሸርሐ እግልዬ። ኣነ እለ ዶል እለ ብካይ ወድ ወልዬ አምዲቼ በልዐ። ዐጃይብ! እላቱ ወልዬ ሰለም! እለ ባኮ እለ ክእነ ለትብል ክታብት ህሌት ዲቡ? በዲሩመ በዐል ሰጃይር ረቢ ኣቢሁቱ ወአዳም ጣይ አብዕብካቱ። ደሐንቱ ወልዬ ሰለም አዜ ኢትበኬ።

እለ ባኮ እለ አቡክ ካልእ ዶል እግል ኢልትዛቦዩ ኖሼ እግል እትሃገዩቱ። ከላሰ አባይክ ልብኬ ትም በል እቤሉ። ሰለም ላቱ ምን ሰኣላት ኢበጥረ ምንዩ። አብዕቦ ሕነ ውላዱ ይሕነ? ሚ ወዴኖሁ ምኒን ሞት ሐረ። ወለ ሕነ አትሐረቅኖሁ? እግልኑ አቤኑ ከምንክም ሞት ተሐይሰ ልብለኑ ሀለ በሀለት ቱ? አብዕቦ አዜ ሚ ዶል እግል ሊሙት ቱ? ሰለም አኔብዓቱ ዲብ ጃምም እብ ዕን ረሐመት እግልዬ ትሰኣለ። ኢፋለቱ እንተ ጅኑ አቡክ እግል ሊሙት ኢኮን ሰምነ እከ ጣይ አብዕብካቱ። ቀደም እለ ረቢ እጽንሐ ምን ሀለ፡ ግረ እለ ህዩ ሕነ እንሰድዩ ከነአትሐድጉተ። አሰናይ እንታመ ዳርሰ ጸንሐክ። አብዕብክ ላቱ ላመ ቅራኦት ሰበት የአምረ ለክቱብ ፍህሙ የዐልኩ። ሰጃይር እምበለ ረቢ ኣቢሁቱ ከእበ ነኡብዩ ዐልኑ እት ኢኮን ሞት ዲብ ቀብቱ ሕብዕት ክምስል ህሌት አምር የዐልኩ። አቡክ ህዩ ምንክም ሌጠ ኢኮን ለረይም ሕናመ ለዋልዴኑ ረይመነ ዐለ በሀለት ቱ። ሞት ተቃርብ እንዴ ሐዜኑ እግለ ኢኮን ኖሳመ እብ ቅረዲት እግሉ ትምሕክ አለበ። እባመ ብሩዱ ምን ልትጸበረ፡ ኖሰ አምዕለ እንዴ ዐለበት ጠበሽ ወቱለቱ። ዐጃይብ! ገበይ ደሐን እንዴ ሐድግክ ገበይ ብቀት ዲብ ትርእየ ትትገራቡተ!

ነዐ ወልዬ ሳልም ለባኮ ዲብ እለ እሳት ክረዩ ምንክ ናድድ ልግበእ! አዜ ኖሱ ኣነ ማጽእክ ምን ይእገቢኡ በይንክ ዲብ እለ ቤት እብ ድንጋጽ ቀደም አቡክ ማይት ዐልኩ። ከላሰ እለ ባኮ እለ ክቱቡ ኢነሐዜ ወረኣሱ። እንሻለ ግረ እለ ዲብ እዴ አቡክ ኢትርእዩ። አቡክ ህዩ ምስልክ እግል ልንበር ቱ። እንተ ሀመትክ ሀመት ድሩስክ ሌጠ ውደየ ወልዬ ፋርሱ። ትሰምዐኒ ህሌክ ማሚ ዲብ እብል ወድ ወልዬ አትሃድኣኮ እብለክም። ዮም ኣነ እለ ጀረ ዲብዬ ዲብ ልብል ደሚር ለተንክፍ ግቢእ ወድ ወልዱ ዳገመ እግልኑ ለእናሱ።

አውኪር፡ ኣነ ኖሼ እለ ክታብት ዲብ ክል ባኮ ሰጃረት ክትብት ትጸንሐኒ። እምበላመ “ሰጃረት ትቀትል” ብዕድመ “ሰጃረት ሰረጣን ተአመጺእ” ለልብል ክቱብ እርኡ ዲቡ። ሰኒ እትዐጀብ። አናመ እናሰ ዎሮት ሰጃይር እግል እትዛቤ እግሉ ምን ለኣኪኒ ለባኮ ምነ ጽብጡቱ ፈርሀቱ። ኣነ ህዩ ሰጃረት አምጺእ እግልዬ ለቤሌኒ። እግል ሓጀት ብዕደት ለኣኪኒ ዲብ ኢኮን ሰጃይር ኢትጽበጥ ብህላምዬ ቶም ዋልዴንዬ። እግል ሰጃይር ይእትለኣክ እግልክ እብሉ።

ዳፍአት፡ አማንክምቱ ውላጄ አውኪር። ምን እለ ግቢእ

ናይ እለ ጅኔታይ ኖሱ ብዙሕ እንደርሱ። ሰጃይር ረቢ ወአዳም ክሉ ኣቢሁቱ። እግል ሰጃይር ላቱ ምንመ ኢትትለኣኮ ዐጉብ ኢኮን። ለደርሰ ምን ክል እኪት ልትነጃ። እለመ ጅኔታይ እለ 2ይ ፈሰል ሌጠ ባጽሕ ዐለ፡ ላኪን ለቅራኦት ዕሉም ሰበት ጸንሐ። ሞት ወሐዮት አመረ። ሰበት እለ ዲብ ድራሰትክም ተረዶ ወምን መደረት ለቡ ደሐኖ ውላጄ አውኪራም።

እብ አማን ድግም ምነ ደርሶ ዳገምኪ እግልኑ አቦቼ ዳፍአት። ሕናዲ እንቲ ዳገምኪ እግልኑ። ክሎም ሰጃይር ለሰቱ ዲብ ደሚር ዐይለቶም ጀሬ ለህለ ህሙም እግል ልፍሀሞ እለ ሕካዩት ሰለም እግል ልቅርኦ ወምነ እግል ልድረሶ ንተምጌ።

አናመ አበወክም ቅዶስ አክል አዩ ክምስል ትፈትዎም ወመሰል ሰኔት እግል ልግብኦ እግልክም እግል እትፋኑዮም ቱ ውላጄ አውኪራም።

ማይ ለከሰስ ሐቃይቅ

- ምን ለዐል 70% መትመዳድ ምድር እብ ማይ ክሉል ቱ። ሐድ 1.4 ቢልዮን ክዩቢክ ኪሎ ሜተር ህዩ ገቢኡ። ምን እለ ማይ ነዲፍ ለከምክም 3% ሌጣ ቱ። እለ ማይ ለነዲፍመ $\frac{3}{4}$ እብ ሀይኣት በረድ ልትረከቡ።

- ዎሮት ነፈር እት ታመት ሐይቱ ሐድ 60,600 ሊትር ማይ እግል ልስቱ ቀድር። ለጉበኣ መክሉቅ እምበል ማይ እግል ልንበር ኢቀድር። ዎሮት ነፈር ማይ እንዴ ኢሰቱ እግል ሐቱ ሳምን እብ አርወሐቱ እግል ልጽነሕ ቀድር። ምናተምነ ዲብ ነፍሱ ለህለ 65% ጽበጥ ማይ፡ ሐድ 20% ሐቅ ነቅሰ እባሁ መይት። ዎሮት ነፈር ዲብ ሐቱ አምዕል እግል ልትዓወን እቡ ለቀድር 2.4 ሊትር ገቢኡ። እለ ቅዶስ እለ ወለ እብ ሀይኣት ነብረ ለንትነፈሶ እቡ ማይ ከምክም።

በህል ወአምሳል ላባም	
-	ዲብክ እግል ትጅሬ ለኢትሐዝዩ ሓጀት፡ ዲብ ብዕዳም ኢተአጅርዩ። እግል ትግበእ እግልክ ለትሐዝዩ ሰኔት ሓጀት ህዩ እንታመ እብ እንክርክ እግል ብዕዳም ውደዩ። ሰበቡ ህዩ ላመ ብዕዳም ክምሰሌክ ቶም። ሰኔት ልተምነው ወእኪት ለኣቡ።
-	ሐሰት ሌእነይ ምን ትረክብ መትኩብታይ ላት በታተን ኢትሰኢን።
-	ዲመ ለኑብሕ ክልብ ሐት-ሐቱ ዶል ነክሹ።
-	ኣክትብትክ ወመልህደምክ ሐዳም ወሕሩደም እግል ልግብኦ ወጅብ።
-	ንኡሽ ምን ኢለዐሌ ዐቢ ወዩሀለ ዐለ።

ምን ክሉ ሚ ትፈቱ?

አውኪር ምስል አብዕቦም ዲብ ልትሃጀኮ አምዕል ሐቱ፡ አብዕቦም “ኢውላድ እንቱም ሚ ትፈቱ?” እት ልብል ትሰኣለዮም። ህቶም ህዩ ዎሮት ከእብ እንክሩ ለእለ ፈቱ በልሰ ዲቡ። ምናተ፡ በሊስ ናይ ዎሮት ምኖም ሰኒ አትሰሐቀዩ። ህቱ ክእነ እት ልብል በልሰ።

ኣነ ለእፈትዩ ህለ ምን ጉበኢ-ዐሙር እብ ሐሊበ ልትፈሌ ለጭርቢበ እክለት እብ ሐሳሰ ጥዑም ለሃራሰ ምነ ልትቀሐም ሰከር ምነ ልትለሐስ መዐር ምነ ልትመጨር ሰገ ምነ ልትቀመድ ዓሰ

ምነ ልትቀርጠጥ ቅሎ ምን ሕቅነት ክርክሮ ወሪድ ለደርዩ ያረይ ወልክ ሰኒ ፈትዩ

አውኪር እብ ምብላሰ መልህዮም ሐቆ ትሰሐቀው እግል አብዕቦም “እንቱም ህዩ አብዕቦ ሚ ትፈቱ?” እት ልብሎ ትሰኣለዉ።

አብዕቦም እብ እንክሩ በልሰ ዲቦም፤- ኣነ ለብዩ ጣርሰ ወለ እፈትዩ ሸባብ ፋርሰ

ዲብ ነብረ ለትበሽለት ዲብ ምብላሰ ለተዐገለት

እት ምድር ገርሀት እት አዋልድ ሀርሀረት

እት ንዋይ ለትረሽደት እት ምንሕት ለትበክረት

እት ሸዐብ ውሕደት ህታተ ለተረደት ሰላም ወረሀየት ኤታን ወሰኣየት ነጆ ምን ገሀየት ምን ልዐል ክሉ ህዩ ለቃልየት ሕርየት ወስያደት ኣርድየት



ዝያረት

ባጼዕ ወበሐር ቀዩሕ



ዲን እስላም ወተእሲሩ እት ባጼዕ

ባጼዕ ምን ትትአሰስ እንዴ ኣምበተት ምስል ዐለም እስላም ወመቀደስኣካናትሙሰልሚንዲብ ሹብህ ጀዘረት ዐረብ ለዐለት እለ ዕላቀት ሓፍዘቱ ጸንሐት። ትርድት ዕላቀት ምስል ዲን እስላም ኣግደ ተኣምርተ ምህደት ውላድ እለ መንተቀት ጋብእ ጸንሐ። ገሌ ምንለ ናይለ መዲነት እሙራት ዓይላት ኣለሎም ምስል ኣስያድ ወኣሸራፍ እንዴ ኣትጸበጠው ኣለሎም መብሸር ምን ነቢ ለትከረ ክምቱ ቶም ለሸረሐ።

ታሪኽ ክምስለ ለሐብሩ ለእንክር ምፍጋር ጸሓይ ባጼዕ

ለህሌት ጀዘረት ረኣሰ ምድር ሰሓቡት ሐቐ ታሰዓይ ክፈል ዘበን ምን መክ ክምስል ሃጀረው እተ ኣሰልፍ ለኬደወ ኣካንተ።

ገሌ ዕሰረ ለጉበእ መሳግድ ዲበ ናይ በዲር ክፋል መዲነት ባጼዕ ለህሌ እት ህለ፡ 60 ምስግድ ዲብ ብዕድ መናጥቀ መዲነት ዐለው። መስግድ ሻፍዒ ለገደመ መስግድ ጉበእ እት ህለ፡ መስጊድ ሐነፊ ክምስልሁ መጀመሪ ናይ ደያናት መባሪ ሼክ ሐማል ኣንሳሪ ላኪን ዲብ ካልኣይ ሰር ናይ ዓሰር ወሳድሰ ክፈል ዘበን ምስል ኣወል ምጽኣት ኣትራክ ለተኣሰሳቱ።



ለመዲነት ወድዋራተ መርከዝ ናይ መደቀስ ኣካናት ክምስል ዐለት ለልትኣመን እቦም ወ እት ክል ሰነት ለትዛዩሮ ሐውልዶት ለጉበእ እቱ መቃብርመ ሐድ ኢዐለ። እግል መሰል ሼክ መሐመድ ቢን ዐሊ ቢን ኣልኣሚን ምን ዓሰር ወታሲዕ ክፈል ዘበን እንዴ ኣምበተ ሐውልዶት ኣው ዝያረት ትጉበእ እግሉ ለዐለት ኣካን ህሌት። ሼክ ቢን ዐሊ ዲብ ሰነት 1877 ለሞተ ድጌ እምቤረሚ ናዩ ሐውልዶት ኣው ዝያረት ምን ዐድ ሼክ ኣስክ ድጌ እምቤረሚ ጉበእ ክምስል ዐለ ልትኣመር። እምበል እሊመ ዝያረት ለትጉበእ እቱ መራክዝ ደያናት ሶፊዩ ወ ኩትምዩ ዲብ ሕጥምሎ ሰበት ዐለው እሊ ኣካናት እሊመ እግል ብዝሓም ለልሰሕብ መራክዝ ደያነት ወዓዓት ዐለ።


እት መደት ኣትራክ ለተኣሰሰት መሕከመት ሽሪዐ ኣልእሰላሚያ ለእግል ክሉ ሙሰልም ለለኣራቴዕ ወለጃዜ ኣግደ መርከዘቱ ለዐለት። እምበል እሊመ ለበዝሐ ወለፊይሐ ታሪኽ ባጼዕ ምስል ዲን እስላም ለልትጸበጥ ምንማቱ ኪስታን፡ ኣይሁድ ወህዑድ መ ዲብ ባጼዕ ወድዋራተ ነብሮ ዐለው።



ምን ሐልዮት መንሰዕ ቤት ኣብርሄ

እለ እት ገጽ 52 ናይለ እት ሰነት 1913 ለጠበዐ ክታብ ሐይለት ትግራይ ለህሌት ዕልብ 75 ሕላዮት ምን እንረኤ፡ ዕምራን ወድ ከረም በዜሕ ለልትበህል ሓልያይ ምን መንሰዕ ቤት ኣብርሄ እግል ጀሃድ ወድ ዐገበ ክምስል ሞተ እበ ሱሱቱ ወፍድቡ ክእነ እት ልብል ሐልዮ፡

ጌሰ ገበይ ጀነቱ - እሊ መሓዝ ለሐርማዙ
ዲብለ ጀነት ትባረረ - ወማይ ለጅምጅም ስታቱ
ቤቱ ሕጅተ ኣነቢተ - ደሀብ ወወርቅ ለኣጽማዱ
ለድጌ ኤማኑቱ - ወዲብ ገቢለት ኣስማቱ
ገርዛሁ ክሪት ተ ወሐዞቱ - ወሀርቱ ምን ለኣቅዋቱ
ቅሌሽ ኣለሚት - በሐር ወዴ ብሸራቱ
ዮም ለመርከብ ትሰበረ - እብ ጀለቢት ቱ ለድንካቱ
ሐሪር ወሕረት - ዕሩቅ እግል ልባሱ
ወዮም ለደቀል ትሰበረ - ምን ለኣካን ለልቅፋቱ
ወዮም ለጀልበት ትሰበረት - እቤ ደንኮ ወዓዱ
ወዮም ለምድር ጸልመተ - መኣማር ሰነ ጽብሓቱ
ወዮም ለዐስተር ጸልመተት - ወርሐ ሎህይ ኣምሳቱ
ወዮም ለሓላብ ጀለላ - እት ልትኣኤ ውላዱ
ወዮም ለመዓጥን ጠዩነ - እንዶ ነጽፈ ለመሓዙ
ወዮም ለዐወሊ ትናጸፈ - እብ ተገሪት ቱ ግላቱ
ወዮም ተክንከር ትካረመ - ገነዲቱ ወጋሹ
ወዮም ለምድር ጠዩነ ክል ቤት ቀወ ለምክያዱ
ወዮም ለተረብ ትከተረ - እት ልደረክ ምን ጋሹ
ወዮም ለበሐር ትጸመመት - ለኣልጉግ ገኣ ብራቁ
ለፈርደት ዐለት ምን ዕሹር ለክታብ ትከለኣ ማላቱ
እት ሀዳይድ መረዘም - ቃቐታቱ ወኣልወሓቱ
እት ዘላይም ክም ምህዲ - እት ልትፋሽሽ ቃራቱ
ዘማት ዛምተት ቱ ኣቡኩም - ዐውትሁ ወለፍካኩ
ህቱ ተርፍ እብ ዐዱ - ወዜምታይ ገይሰ ብራቁ።





ሸባን አሌላት ሕርየት እት ርቡፅ ዘመን ምን ዕምረ



ቀደም 25 ሰነት ኤረትሮፖ
እንዴ ኢትዮጵያ ለዐለ ግም
ምስል እሊ እት አሌላት ሕርሮት
እንዴ ትወለደው ለዐለ ግም ምስሉ
ነአትቃርኑ እት ህሌነ ፈርጎም ዝያድ
ርቡዕ ዘመን እት ወክድ ወዘመን
እብ ዐቢሁ እት አብካት ወአፍካር
ለገብእ ፈርግ እንረክብ እላም።

ማሌ ኤርትራዊ ክም ኤርትራዊ እት ዐግሎ ዎሮ ዐድ ወሕክም እንዴ ኢትትከምከም ለሀይከ ምን ድዋሩ እንዴ ኢልትሐረክ ሰኒን ወድኒን ለሓለፈ ወእምበለ እቱ ለዐበ ድዋር ወአካን ብዕድ ድዋራት ዐዱ ወወጡ እግል ኢልኣምር ለከርዕ እስትዕማር ምስል ጀሀለ ለዐለ እግሉ ግም ማሌ እት ቀደምከ ተቀብ ወዴ።

እሊ ምጅተመፅዕ ዮም ላኪን ለማሌ እብ ሰሜቱ ወሐድ ተረርፋ ለልአምር እስትዕማር እት ወክድ ሕዱድ እንዴ ትገልጸጸ ምኑ፡ በደል ለእቱ ትወለደ ድዋር እቱ ልትሐጨር ወአምሩ ልትትሐደድ ኤርትራየ ምን ሕዱድ እት ሕዱድ እግል ለኣምረ ወልታደነ በክት ተዐሊም ውብዕድ መናፍዕት እዳረት እብ ለበሽለ እብ ግብኣቱ ግም ዮም ምነ ማሌ ለዐለ ግም ለትፈንተ ክምቱ ትትኣከድ።

እሊ ግም እሊ በክቱ እንዴ ሰነ
እት ክል አፌቱ ምን ቅሩብ እግል
ልትሓወሉ ለትዳለ እግሉ ክዳማት
እጅትማዕዩት እቡ ለልትመተዕ ግም
ጋብእ ህለ ክም ፍገሪቱ ህዩ ተዐሊም
ወብዕድ እግል ሐያት አሳሲያይ
ለገብእ ረኪቡ እሊ ለሐብረከ።

ከእብ መናበት ርቡፅ ዘመን ሕርየት ምስል አግማም ሕርየት እት ለትፈናተ ድዋራት ዐድነ ለልትረከቦ ሸባን እብ ፍንቲይ ቀደም ሕርየት እብ ሰኖታት ሕዱድ ወግረ ሕርየትመ ለክምስልህ እንዴ ትወለደው ኡብካት ተዐለም እንዴ ረክበው እት ለትፈናታ መጃላት እንዴ ትረተበው እት ክድመት ወጠኖም ለልትረከቦ ሸባን ምስሉም እንዴ ኡምሐበርነ እብ ክሰሱ ርቡፅ

ዘመን ሕርየት ወመካሰብ ሸባን
ሕርየት እት ለትፈናታ መጃላት
እግል ንርኤቱ።

ናይ የም መቃበለትና ምስል
ሽባን እት ረወራት ማርያ እንዴ
ትወለደው ማሌ ምን ጥያር
ዋልዴኖም እት አወድግ ወሳሳት
እት ልትሐብዎ እቦም ሸማል
ሕርየት እግል ልትሸዎ ለሰደምም
ክምስልሁመ ክርን ጥያር እንዴ
ኢሰምየ እት ጋድም ብሩግ ወገቢል
ሓድር ዕንታቶም ለፋጠቀው ሽባን
ህዩ ሚ ክም ልብሎ እግል ንድሌ
ቱ እለ መቃበለት እለ ዋድያም
ምስሎም ለህሌኩ።

“ሰሜኛ ሳልሕ መሐመድ ዐሊ ዑሰማን ትትበህል፡ አነ እግል ኢበለ ለሐዜ አሰልፍ ገቢል ሕርየት አለቡ ምንገብኦ ክሉ ህለ ለልትበህል መትቀዳም እግል ለህሌ እግሉ ኢልትሐሰብ። እግልሚ ክሉ ምን ሕርየት ሰበት ፈፊ።

ከኢትላ 25 ሰነት ሕርየት ሸባን ዝያድ ክሉ ለህላ ዝሕርታት ክስበው እተን እግል ኢበል እቀድር፡ እግልሚ እሎም ዮም እት ሸበት ለህላው መዋዋሂን ምን ንእሾም በክት ክሉ ክዳማት እጅትማዕየት ሰበት ረክበው ምን መትወላዶም እንዴ ኣንበትከ ኣሰክ እለን ባጽሓመ ለህላው ደረጀት ፍሬ ሕርየት ክምሰልቱ እግል ነኣምር እንቀድር።

እግል መሰል እሊ የ-ም ሻብ



ጋብእ ለህሊ መዋዋን እት ሰላም
ወመስኩበት ሰበት ትወለደ እት
ዕያደት ለትወለዳቱ፡ እብሊ ህዩ
ክሉ ለልትሐዜ ፍድኢታት ድድ
ሕማማት እንዴ ትህየበምን ጽባብሐ
እብ ነፍሰ ዑፊት ወጽሪት ሄራር
ሐያት ለአንባተ ተ።

እሊ ሌጠ እንዴ ኢጉብእ እት ክዳማት ማይ፡ ተዐሊም፡ ከሀረበት፡ ሰፈር ወመዋሰላት ክሉ እድንዩ ጣፍሐት እግሉ እት እንተ ለትወለደ እታቱ ሰበት እሊ ሕሳል ዕልም እንዴ ተሀልበጠ ዮም እት ደረጀት ውቅል በህለት ድራሰት ለአትመመም ወምን ኩልያት እብ ለትፈናተ መጃላት እግል ልትደሐር በክት ለረከባቱ።

መሰለን አነ እት ሰነት 1988
እት ጭልመ ለትትበህል ቀርዮት
ትወለድኩ፤ ለወክድ ለአነ ትወለድኩ
እቱ እሊ እብ መንጦር እዝልትአመር
ለዐለ መዐሰከር አባይ ባርክ እቱ
ለዐለ እሊ ዮም እት መዲነት ብዱል
ለህላ ጋድም መሉብሶ ለትደውሸሽ
እቱ ወርራ ማርያ ለትሐረረ እቱ
ወክድ ሰበት ዐለ፡ ዋልዴንዬ እግል
መንገፎና ብዙሕ ልትጀረሶ ክም
ዐለው ለሐብናኒ ዐለው፡ እግልሚ
አነ እት አሌላት ሕርዮት ውሉድ
ሰበት ዐልኩ።

ከእሊ ዮም ልትርኤ ለህሊ መትቀዳም እት ሸማል ሕርየት ለትረከበ ዝሕሮታት ሰበት ገብአ ክል ሻብ እግል ልትነፈፅ እቡ ህሊ እግሉ እብል”።

“ሰሜኛ ዐብዱ ኢብራሂም መ/ዐሊልብሉኒ እትለን 25 ሰነት ሕርየት ሸባን እት ክል መጃላት ሰኔ ሄረረው እግል ኢበል እቀድር፡ እት መጃል ተዐለም፡ዓዳት ወሰቃፈት፡ ምህነት ትጃረት ወብዕድ መጃላት።

እሊ ክሉ ህዩ እብ ሸሁዳና
ለትረከበ ፈድል ሰባት ገብእ ሰልፍ
ክሉ ሐምዴ እግሎም ተኣሰታህል።
ሕና ለሸባን ህዩ እሊ ናዮም ጅህድ
እት ጌማም እንዴ ኣቴነ እሊ እግል

ንትነፈሪ እቡ ፍቱሕ እግልነ ለሀላ
ኦብካት እብ ዋጅብ እግል ንትነፈሪ
እቡ ብነ እብል። እግልሚ ዝሕረት
እት ዱካ እት ህሉት ምስል ዕምርከ
እት ትትቡዳደር ኢትነፈሪከ እብ
ምንጉብእ ፈጅር እግል ትትረከብ
ሰበት ኢትቀድር እትለ ጋሪት እለ
እግል ንትሀመል ኣለብነ እብል።

አኖመ እለ እብ ደም ሸሀደ
ለመጸት ኤረትሮየ ለእብ ደም መጸት
ሰላመ ወመስኩቡተ እብ ለሀበቹ
እግል እክደም እተ መስኩልየት
ሰበት ብዬ እለ መስኩልየት እለ እት
ኣካነ እግል ኡብጸኣሐረ ረቢ ልሰዴኒ።

አነ ዓልዩ መ/ዐሊ. ኢብራሂም
እትበህል እት ሰነት 1995 እት
ቀርጸት ትወለድኩ፤ ግራሁ እት



መዲነት መሰብሰብ እንዴ መጸነ እቱ መድረሰፍ አንበትነ ወአትመምኑ። እብሊ ህዬ ምስል 26 ደውረት ክድመት ወጠን ሳወ እንዴ ትከፊኑ ተድራብዬ ወተዐሊምዬ እንዴ አትመምኑ አዜ እት ክድመት ወጠንዬ እት መጃል ዐስከርየት እከድም ህሌኩ።

እብ ክሰሰ ኣብካት ሕርየት ወሽባን እግል ሂደግ ገብኣኮ ምንገብእ፡ ኣዚ መሰለን ኣነ ምን ዎሮት ጀኅብ እለ ወጠን ደሙ ወኣርወሐቱ እግል ልቤዚ እለ እንዲ ቤለ ለናደለ ወሕርየት ምን ኣምጽኡ ኣበው ዮም ወሽባን ማሌ ለትወለድኮ ኣነ። ማሌ ሚ ክም ተዐደው ዳግም እግልዬ እት ህለ ለትሐለደ መሰደድ ወለትደፍዑ እሰትሸሃድ ልትርኤኒ፡ ሕነ ህዬ ሰብ በክት ክም ሕነ ለዶል ለህ ዝያድ ኣገርለ እቡ።

እግልጫ ለማሌ ሸቡቱም ጀላብ እለ ወጠን ለሐልፈሩት ሸባን ተዐለም ኢረክበው ውብዕድ ክዳማተ ምኑ እንዴ ትሐረመ ሸቡቱ ብላሸ ለላለፈያ ቱ።ሰበት እሊ፡ እሊ እብ ዐውል ቃሊ ለትረከበ ዝሕሮታት ሕርየት ንትነፈዕ እቡ ምንመ ህሌነ

ክመ ልትሐዜ ሰባት ኢጉብአ ዝያድ ካዳም ልትጸበረነ ህለ።

እትለ ጋራት እለ ዝያድ ሕውና
ለኣርእየ ለህላየ ሻባት ኣንሳት ሰበት
ገብኣየ ህዪ ሻባት እግል እሊ ቀደመን
ለህለ ኣብካት እግል ልትነፈዐ እቡ
ህለ እግለን እብል። እንዲ ደርሰ
ዐለየ ሳወ እግል ኢሊጊሰ እንዲ
ቤለየ ክምስል ኢተዐለመየ ገብኣ
ህለየ ወግረ ለዐቀብለ። ዮም ምስልዬ
ደርሰ ለዐለየ ሻባት ሳወ እግል
ኢሊጊሰ እንዲ ቤለየ ኣትካረመየ
ከግረ ተርፈዮ፡ኣነ በንዬ ሳወ ትከሬኑ
ምነ ምስልዬ ደርሰ ለዐለየ ኣዋልድ፡
እሊ ህዪ ኢህለዮት ህደፍ ወመባጥር
ቱ።

አገልግሎት ስራዎች

ዎሮት ከሐርሱ በትክ

እናስ ሰኒ ሓግል ዐለ። እሲቱ ዝብደት ትወዴ እሉ ወእለ ዝብደት እንዴ ነስኦ ሱግልትከሬ እበወእት ዎሮት በዐል ድካን ለኦዘብዩ ነብረ። ለእሲቱ እግለ ዝብደት ክመ እተ ሀይኦትለ ኩረት ከባብ ትወድዩ ዐለት ወሚዛነ ኦክል ሐቲ ኪሎ ገብእ ዐለ። ህቲ ዲብለ በዐለ ድካን ለኦዘብዩ ወእበ ዐውለ መሓግዝ ቤቱ ለኦረቴዕ ነብረ።

አምዕል ሐቲ በዐለ ድካን ሚዛንለ ዝብደት ሸክ ሰበት ወደ ዲቡ እግለ ክባባትለ ዝበድ ክለን ምን መዝነዩን ሐቲህንተ ከ 900 ግራም ሌጠ ትመዘነት። ክምነ እናስ ለሓግል ምን ቅደስ ወለዐል ትቀጠበ። ለእናስ ለሓግል

አምዕል ሓሪት ዶል ዐቅበለዩ ሰኒ ሓርቅ እት እንቲ እንዴ ትከበተዩ።- “እንተ ቀሻሽ። ኣነ ሐቅ እለ እሊ ዝብድክ ይእዛበዩ ምንኩ። 900 ግራም ክም ኪሎ እንዴ ሐሰብካህን ተኦዘብዩን እቼ ወትቀሸኒ ትነብር ዐልከ” ቤለዩ። ለዶል ለሀ ለእናስ ሰኒ ተኦሰፈ ወረኦሱ ኦድነነ ወክም እለ ቤለዩ።- “መንባዩ። ሕነ ሚዛን ኣለብነ ምናተ ምንክ ሐቲ ኪሎ ሰከር ትዛቤኮ ወእለ ዝብደት እግል እምዘን እበ ክም ዕደር እትነፈዕ እበ ዐልኮ።”

ሐቲ ኦካን እምበል ሸክ እግል ነኦምረ ብእትነ። ህተ ህዩ “ዐመልነ እተ እለ ኪድነ ጸነሐነ”

ኣከይ ድስ ኣንሰ

እሲት፡ ሐቲ አምዕል እግል ሼጣን ክም እለ ቴለቲ።- ሌሂ እናስ ለከያጥ ትርእዮ ህሌከ? እንዴ ወስወስካህ ኣስክ እሲቱ ለሐድግ እግል ትውደዩ ትቀድር?።

ሼጣን ህዩ። አፎ እሊ ላቲ ቀሊል ጋርቱ ቱ ቤለዩ።

ከዲብለ እናስ እንዴ ጌሰ ዶል እብ ድማኑ ወእብ ገለቦ ወዶል እብ ምረሐሩ ወእብ ቀደሙ እግል ልወስውሱ ዋጠነ። ምናተ ለከያጥ እግለ እሲቱ ሰኒ ፈትዩ ሰበት ዐለ ብዞሕ ኢትሻቀለ እቡ ወባልመ ይሀበዩ። ሼጣን ሐቲ እንዴ ኢለኦወቄ ዐቅበለ ወክም ትፈለለ ኦምነ።

ለእሲት ህዩ ክም እለ ቴለቲ። ኣዜ ልብከ ክሬ ወሚ ክም ትጀሬ ተማም ርኤ።

ለእሲት ዲብለ ከያጥ እንዴ ጌሰት። ወልዩ እግለ “ህዲት” ላተ በዐል ሻሙ ለለሀይበ ቅጥዐት ቅማሽ ግርም ርኩብ እግልዬ ቴለቲ። ለከያጥ እለ ክምሰል ሰልዐ ዲብ ልትፈከር ሄዩ እሲት ህዲት ፋቲቱ ለወልኪ ቤለ ወለእለ ተሐዜ ዐለት ቅጥዐት ሀበዩ።

ለእሲት ሐቅ እለ ኣስክለ ቤትለ ከያጥ እንዴ ጌሰት ባብ ከርከሐት። እሲትለ ከያጥ ፈትሐት እለ። ረቢ ልባርከኪ ወለቼ ፈርድ ለሐልፍ ምንዩ ሀለ ዲብ እለ ምሰልኪ እግል እትሰሌ ረከበት ወሰላዩትት ሚ ተሀይቢኒ ቴለተ። እሲትለ ከያጥ ህዩ ቀደም በሊ ኦርሕቢ ቴለተ

ወረክበተ ወምሰላዩተ ሀበተ።

ለእሲት ሰላተ ክም ኣትመመት ቅጥዐትለ ቅማሽ እበ ምረሐርለ ባብ ሎሽተ ከጌሰት። እሲትለ ከያጥ ልብ ኢከሬት ዲበ። ለከያጥ ቤት ክም ዐቅበለ ልቅጥዐት ዶል ረኦ እተ ዶለ ተቀብ ቴለቲ። ወለ እሲት ወለ ፈታይትለ ወልደ እለን ፈቅዶ (ወእተ ዶሉ እግለ እሲቱ ሐድገዩ)

ሼጣን እለ ክም ረኦ። እንትን ኣንሰ ሰብ ኣከይ ድስ ክም እንትን ምን እለ ዮም ወሐር ኣመንኮ እብክን ቤለዩ።

ለእሲት ህዩ። ሐቲ ዶል ጽነሕ። ኣዜ ዲብ እንቲ ዲብ ሕድ ምን እበልሶም ህዩ ሚ ወትቤ ቴለቲ።

ለሼጣን ሕዩር እት እንቲ። እለ ህዩ እብ ከፎ ትገብእ? ቤለዩ።

ለእሲት ፈጅራተ ዲብለ ከያጥ እንዴ ኣቅበለት ክም እለ ቴለቲ።- “ክመ ማሌ ለሀብኪኒተ ቅጥዐት ርኩብ እግልዬ። ለግጥዐት ለሀ ማሌ ምንክ ክም ጊሰኮ እግል እትሰሌ ዲብ ቤት ሐቲ እሲት መስኪነት ኣቴኮ። ከክም ትሰሌኮ ለቅጥዐት ዲቡ ትረሰዕክወ። እንዴ ዐቅበልኮ ዲበ እግል ይእንሰኦ ህዩ ከጀልኮ ምነ። ረቢ ልባርከከ ብዕደት ርኤ እግልይዬ ቴለቲ። ለከያጥ እለ ክም ሰምዐ እተ ዶሉ ጌሰ ወእግለ እሲቱ ዳረ በልሰዩ።

ሼጣን ኣዜ ዲብ ዕደደት ዐዶዩን ካርር ሀለ።

መዕሉማት

- ከንጋሮ እት ሐቲ ዶል መሳፊት 9 ምትር እግል ትሰረር ትቀድር፤
 - ወድ ኣደሚ ምነ ለእለ ቡ ዲብ ምኩ ለትትረኩብ መቅድረት 10% ሌጠ ተን ለእዞን ልትነፈዕ፤
 - ጽምብልዔትቲ ጠምጠምለ ፅንዞባታት እብ እገራተ ለደልዩ፤
 - ዎሮት ሰንቲ ምትር ምረበዕ ምን ሰጥሕ ጸሓይ ለለሀደብ በርሀት። ምልዮን ሽምዐት ለለሃይላህ በርሀት ትትዓደል፤
 - ልብ ወድ ሚን ኣደም እት ሐቲ ህንዳገቲ ሐድ ዎሮት ኮድ ማይ ለጉቤእ ደም ለሀርር፤
 - እዲነ ዲብ ሐቲ አምዕል ሐድ 1000 ምልዮን በርሚል ብኩሮል ተሃልክ፤
 - ለበባዲብ መጅሙዐት ጸሓይ ለልትረኩብ ብርካን ዲብ ኮኩብ ምሪክ ልትረኩቤ። እሊ ብርካን ኣሊ ለግድሙ 600 ኪሎ ምትር ገብእ እትሀለ መወቀሱ ህዩ 24 ኣልፍ ኪሎምትር በቤሕ። እሊ በህለት 3 ዕጡፍ መወቀል ደብር ኤሽሬሰት ልትዓደል፤

ኣበርጋጂ

ልባብ

ሐቲ አምዕ ከልብ እት ቀበት ዐባይ ደብዐት በደ። ሸንኮቱ መጽእ ለዐለ ሐዩት እግል ኢልርኣዩ ሰበት ፈረሀ ሰኒ ትፈጀዐ። ለከልብ እብ ርሐ እት ልትሃለግ “ከላሰ ግድም ምሽክለቼ ላተ ኣንተሄት። እሊ ሐዩት እት ኦርድ እግል ልሕደገኒ ኢኮን ወእት ሰመ” ቤለ።

እትለ ባዮቱ ዐጭሞታት ረኦ። ለከልብ ዐጭም ኦሮት ሀረሰ ወግራሁ እግለ ሐዩት እንዴ ሀበዩ ርኢሁ ክም ይሀለ ወለ ዓጭም ሰኒ ክም ጠዐመ እቲ ኦተምሰለ። ወእተ ኦነካቲ ዊጭ ቤለ። ወእብ ክርን ውቅልት እት ልትጋሰዕ ክም እለ ቤለ።- “እሊ ዐጭሞታትለ ሐዩት ኦክል ኣዩ ጡዑም ቲ? ኣዜመ ዝያደት ምን እረክብ ምኑ ወይኣቤኩ። ወእለ ነሃርዬ ነሃር ኬር ወበርከት ሌጠ ወጉብኣት ዐለት”።

ለሐዩት ምን እለ ትትኬለም ኢሰምዐ። ሰኒ ትፈጀዕ ወእግል ርሐ ክም እለ እት ልብል ሐሽክሸኩ።- “እሊ ከልብ ሓዩት ልትነዔ በህለት ቲ። እለ ምን ገብእ እንዴ ሀረብኮ ርሕዬ እግል ኦድሕን ብእቼ”። ወሐቀ እለ ምነ እትጃህለ ከልብ እንዴ ኣወለጠ እብ ሰከይ ክሉ ለምድር ጠለቀ።

ለከልብ እተ ሐዩት እብለ ገበይ እለ እተ ተልህ እቲ ወቅት። ሀበይ እትረኣሰ ውቅልት ዕጩት እንዴ ትገሰ እግለ ጋራት ክለ ዐፍዩ ዐለ። ቅሩብ ክም ሐሰበ ክም እለ ቤለ።- “እሊ በክት ዐቢ እሊ እግል ሓልፋ ኣለብዬ። ለሐዩት እንዴ ዐሬኮ እቡ ከለኦማን ደገምክወ እሉ ምን

ገብእ። ዕላቀቼ ምሰለ ሐዩት ተማም እግል ትተረድ ቱ ወመሰንዬ እግል ልግበእቲ። ወእብላዩ ምን ፈርሀት ወሀመት እድሕን”።

ሀበይ ለጋሪት እግለ ሐዩት እግል ለሓኬ ኣሰርለ ሐዩት ሰዐ። ከልብ ሀራባዋለ ሀበይ ኣሰክ ሐዩት ክም ረኦ ገሌ ኢባሰረ ምን ገብእ እት ምሰበት እግል ልትከሬ ክም ቱ ሸክ ኢወደ።

ለሀበይ እግለ ሐዩት ክሉ ዳገመ እሉ ወለከልብ ከኣፎ ክም ቀሻዩ ሸርሐ እሉ። ለሐዩት ሰኒ ሐርቀ ወእብ ክርን ውቅልት ጠናግሀ። ወእግለ ሀበይ ኦዲግ ህምቦኦ እግል ልግበእ እቲ ክም ኣሰኣለ ሻፍጋም እት እንቶም ኣሰክ ከልብ ዐቅበለወ።

ለከልብ ሰኒ ዓቅል ዐለ። ኣዜመ እተ ክም በዲሩ ግራሁ እግለ ሐዩት እንዴ ሀበዩ ትገሰ ወእብ ክርን ውቅል እት ልትሃኔ ኦንበተ።- “እሊ ሀበይ ደሐኩቱ ኣፎ ኦክል እሊ ደንገረ። ሳዐት እብ ተማመ ሐልፈት። እግለ ሐዩት እግል ልቅሸሹ ኢቀድረ ገብእ ወገህ ልግበእ!”

ለሐዩት ህግያለ ከልብ ዶል ሰምዐ እግለ ሀበይ ምነ ረኣሱ ለምድር እንዴ ለደደ እቡ ስጋዱ ሱብረ እቲ። ወእብላሁ እብ ሰብብለ እለ ወደ ኪያነት ድራር ሐዩት ገብኦ።

“ኣልሓምዱለህ ኖሱ እንተ ግንዳይ ምን ገብኣክ ወሕናመ ምን ኢሰኬነ” ቤለ .. ከሞት ላዝም ሐቅ ገብኣት እት ምጅገሕክ እት እንተ እግል ቲሙት ዔብ ቲ። ወገሌ ለባሰረ ህዩ ልትዐወት።

ተበሰም

ኣሽዓብ ወለ ኣመት

ሐቲ ኣምዕል፡ ሐቲ ኣመት እግል ኣሸዑብ ዎሮት ዲናር እንዴ ሀቡ። እሊ ዲናር ኣማነትዮቱ እተ ሐንለ መተርኣስክ ክረዩ እዬ ቴለቲ። ሐቅ ገሌ ኣምዒላት እንዴ ኣቅበለቱ ክም እለ ቴለቲ።- ሉዲናርዬ ኣዩ ሀለ? ህቲ ህዩ ለመተርኣስ እንዴ ሀረሰኪ ከለወሌዳዩ ንስኤ ቤለዩ። እተ ባኩ ደርህም ካሪ ዐለ። ለዲናር ኣድመት ምኑ ወእግለ ደርህም እንዴ ነሰኣት ጌሰት። ሐቅ ገሌ ኣምዒላት ዶል ኣቅበለት ኣዜመ ደርህም ረክበት ምሰለ። እለ ነሰኣት ከጌሰት። ሳልሳይ ዶላመ እተ ክምሰልሀ። ኣሸዑብ ራብዓይ ዶለ ክም ረኣዩ እብ ብዞይ ሲቅ ቤለ። ደሐንካቲ ኣፎ በኬከ? ቴለቲ። ለዲናርኪ እት ቤት ሕርሱ ዲብ እንቲ ሞተ ኢኮን ቤለዩ። ምንኮር! ዲናር ወሕርስ ህዩ ሚ ኣትማጽኦቶም? ቴለቲ።

ህቲ ህዩ። እንቲ መንዑለት ለወሊድ ኣመንኪ እቡ ወለ ሕርስ ትክኒሩ ሀሌኪ ቤለዩ ልትበሃል።

በህል

• ምን ክለን ወድ ሚን ኣደም ለመሀዘዩን ኣሰልሐት። ለትደቀበ ወለትኬለመ ሰላሕ ህግያ ተ።

• ዎሮት ከርሐ ምን ልብሕት ወምን መተራቃሽ እት ብዕዳም ምን ልትነጃ። እለ እዲነ ለጠዐመት ወለሐሰት ወጉብኣት ዐለት።

• እግል ትንበር ምን ተሐዜ ፈን ኢመትሐሳር እግል ትትዐለም ብእትከ ሌጠ እንዴ ኢጉብእ ክም ሕርፈት እግል ትምለኩ ለኣትሐዜ።

• ሓጀት እግል ትሰኤ ኣለብክ ወሐቲመ ሰንዐት ኢትታኬ። ለገረመዩ ሓጃት እለን ለኣመተን እንዴ ይእንወዴ ለለዐይራና ተን።

• ዶል ዎሮት ቀደም እለ እብ ሰሓቅ ለቀትሊያኒ ሓጃት ዶል እፈቅድ ብዞይ መጸኣኒ። ወዶል ሓር ህዩ እብኩያቼ ለዐለዩ ሓጃት እለን ፈቀድኮ ምን ገብእ ኩብጃ ኣሰክ ትጠሌዕ ለኣትሰሕቃኒ ... ትፈክርኮክ ዘበን።



ሬዘቆት ፈሀም

ሰአል፡- እግል እሰአል ምን ሐዜ ለህሌኮ ሰአል፡ እብ ክሱሰ ተምሲልቲ። ሰላም ኢትረስዐኮ ሓይላም መዳልያት እለ ሰፍሐልት ክም መፍሀመት ሰበት ነስኣክወቲ። ከለሰአልዬ እንዴ ኢትብዴ ምንዬ ዲበ እግል እትዐዴ። መጅተመዕ ትግሬ ወህግያሁ እግል ፈን ለትከለቀው ቶም፡ ለልብሎ ሐ-ዳም ኢኮን። እሊ ህዩ ትግራይት እክል አዩ እግል ፈን እብ ዓመት ወእግል ተምሲል እብ ፍንቲት ውጢት ክምተ ለለልሽህድ ሀገረቲ። እት ክምሰልሁመ ሽዑብ ትግሬ እት ተምሲል ጽሙእ ክምቲ። ወለህ እብ በሕሰ ለትመርደ መንመ ኢጉብእ፡ ምን እት ገሌ መናሰባት ለጉበእ ተምሲል እግል ትጌምሙ ቀሊልቲ። እግል መሰል እለ ዮም እት ትልፍዝዮን ሐቆ አክባር ትግሬ ትቀርብ ለህሌት ቤት ምን ዐርሽ፡ ድዋን፡ ሻከት፡ ዕንብዕ ዲብ ዕድረ ወለመሰሉ እት ለትፈናተ ወጠናያይ ዓያድ ለቀርብ ናይ እስቲጅ ድራማታት ሽዑብ እብሚ ሽዑር ክም ልትፈረጃ እሙርቲ። እብ ክምኩም ሽዑብ ትግሬ ተምሲል ክም ፊቲ ቅራመት ለለኣትሐዝዩ ጋር ኢኮን። ከምን እለ ዋቅዕ እለ እንዴ ትገበሰን እግልሚ ተማሲል ወአፍላም እብ ብዝሐ እንዴ ፈረ እት ተልፈዝዮን ርክን ኢልትህያቡ? ናይ ዮም ዓመት ዝክረት 25 ሰነት ሕርየትኅ ህዩ አክል አዩ ተምሲል ዱሉይ እግሉ ሀለ? ሹክረን።

መሰብዘግሬት ምን አለመረ

ዐገል ዕጉላም

ህጅክ መሰኒት
ሳብሪን፡- አዜ በርናምጅ ህዳይኪ ከፎ መሰል?
አምን፡- አነ አወል ምን ዮም ላሊ መዳላዩ እግል ኢዲቱ እግል እትገደል ወእት ሐነን ቲ። ናይ ዐዘመት ክሩት ወመዝዐን
ሳብሪን፡- ወዝፋፍ አጀርኪ፡ አወል ዝፋፍከ ደምን እምበል ዝፋፍ ሚ እግል ቲደይቲ
አምን፡- አነ እብ ዝፋፍ ይእትህዴ ፡ እብ ልባሰ አቦታቸ ወእማቹ እግል እትህዴቲ
ሳብሪን፡- እንቲ ፋረት! አዜ ህዩ እግል ተአክጅሊን ተአንደቂ፡ እንቲ ምን ኢተሐዝዩ እግልን ውደዩ፡ ሐነ ህዩ ለመሳኒትኪ ሚ እግል ንጽበዋቲ?
አምን፡- እንትን ለትጽብጣሁ ኢተሐግሊ፡ ልባሰ ዓዳትቹ ህዩ ለአሸሃኒ እንዲኢኮን ኢለአክጅሊኒ
ሳብሪን፡- አምን ሚ ገብኢ ህሌኪ? ኢትቀንኢመ ኩለን

በሊሱ፡ በሊሰ ሰአልከ በሕሰ ብዙሕ ለለኣትሐዝዩ ምንማቲ፡ ምን እት ድዋርን ለለትረከቦ ሱብ ቅድረት ናይ እሊ መጃል ለረከብናሁ በሊሰ እግል ንቀድም እግልነቲ።
 አማንተ ሽዑብ ትግሬ ተምሲል ፊቲ፡ ላኪን ፍቲ በን ካፍየት ሰበት ኢኮን ተምሲል እብ ብዝሐ እግል ልፍሬ ዶሩ እግል ለአውፊ በ። እብ ማልየት ወመዐነውየት እግል ልሻርክበ። መምክን ገሌ ለኢደለው፡ ተምሲል ወአፍላም እብ ለጉበኣት ቆምየት እግል ልፍሬ ሕኩመት ለትሐድዱ ለመሰሎም ለህሉ ወገሌመ ክመ ጨቅዋ ለጉበእ ዲቦም መሰሎም ለአማን ላኪን ህተ ኢኮን፡ ለጉበኣ ኬትባይ እብ ለጉበኣት ህግዩ እት ፈን ዶሩ እግል ለአውፊ ላባብ እግል ክሉ ፍቲሕ ቲ። ልምሽክለት ላኪን፡ ማል ቲ። ልጅነት ተልፈዝዮንመ እሊ ለእት ለዐል ትበህለ ሽውህት ፍትሕት እት ተምሲል እት ሽዑብ ክም ሀሌት ሰበት አመረት ርክን ተማሲል ፍንቲያም ክም ሀለው እት ገበይን እምበሽር። ክም ተአምርታሁ ህዩ እብ ፍለም ቤት ምን ዐርሽ ባቡ ፋትሕ ሀሌ።
 እግል ኢዮቤል አልፍዲ ናይ 2016 ህዩ አክል አዩ ተማሲል ዱሉይ ሀለ? ለቤልካሁ ህዩ፡ እለ ሰነት እለ እብ ዐደዱ ወጀንሱ ምን ሐልፈት ሰነት ለሐሰ ዱሉይ ክም ሀለ እክድት ሐብሬ ራክባም ህሌን። ሰበት እሊ ለሽቁል ምንእነ ወአሰክክ ክምቲ እንዴ ፈሀምን ክልን ዶርን እግል ነአውፊ ንትሐሰቡ።

ሰናትኪ እብ ዝፋፍ እት ልትህደዩ እንቲ እብ ብላይ?
አምን፡- አነ ናዩ ከሰኒ ፡ ብላይ ህዩ ዕለመቼ ወሕሽመቼቲ
ሳብሪን፡- ብእሰኪ እብ በድለቲ ወእንቲ እብ ብላይ እሊ ራኡይ ኢኮን ወስመዕ
አምን፡- ውበእኼ ሚ ከርዐቲ እት ብደል፡ ልባሰ አቡሁ ወአብዕቡ አዩ ጌሰ?
ሳብሪን፡- አምን እንቲ ምን ትትዐያኒ ክሉ ምስልዩ ልትዐየን ኢቲበሊ፡ ብእሰኪ ህዩ ጀላሊብ ክም ኢሉብስ አምር
አምን፡- ደሐን ለፋዋነት እንቲ ምን ገብኢ፡ ዓይነትኅ ተሐይሰኪ፡ አነ ውበእኼ ህዩ ፋህማም ሕነ
ሳብሪን፡- ከደሐን ተይሰ እዩ ምን በዐላተ፡ ሕነ እግል ትገርሞ ሐዜነ
አምን፡- ግርመትኅ ዓዳትናቲ፡ ግርመት ሰሉፍ ኢነሐዜ፡ ጊሰኮ
ሳብሪን፡- ከላሰ ኢትሕረቂ ምስል እግል ኒጊሰቲ ማሚ።

ምን ዳያሪ

ሳዐት
 4/9/2000 ሳዐት 9:00 ቀ.አ ቀደምሐሬ

ዓፍዮቱ ሸክ አቴኒ ወእብ ጅወትቹ ፈርሐት እበ አግረሰኩ። በሊሰዬ ልጸበር ክም ሀለ ሰበት አመርኮ ህዩ “ አይወ ሸውዩ ተአከርኮ መዐሌሸ”




ዮምሳዐት 7:00 ምስል አርት እናሰ መዋዕድ ዐለ እግልዬ። ለመዋዕድ ህዩ ምስል እናሰ ምን ባጽዕ አቡዩ ለለኣኪያ ዲብዩ ሰላዲ እግል እንሰእቲ ለዐለ። ለእናሰ ለግሩሼ ዐለት ጎሁ ወሰፋ ሃይብዬ ሰበት ዐላ፡ እት ባነ ሆቲል ክም አቲኮ እምበል ሸክ ፈረግኩሁ። ሐቆ ሰላም ትባህልኒ ህዩ ምን ክም አነ አሰአልክወ። ለእናሰ ላኪን በደለ ግሩሼ ለሀይብኒ፡ እት ገዱ ሐሩቀት ለትሐበረት ዲቡ መትዐጃብ እት ለአርኤ “ሚቲ ተአከርከ ሳዐት ሰቦ ወዕዳም ይዐልነ” ቤሊን። “ተአከርኮ” እቤሉ እብ መተአካርዬ አምን ክም ይህሌኮ እበ ለአሸር ለሐን። “እለ እተ አዳክ ህሌት ሳዐት ኢትሸቁ ወለሚ” ቤሊኒ እግለ እት እዴ ማንዬ አሰረ ዐልኮ ካሰዮ (casio) ለዐይነት ሳዐት እት ገንሕ። “አይወ ትሸቁ” እቤሉ እምበልሸክ። “እንዴ ግንሐክም ትብል ህሌት” አዜመ እብ ናይ ትእዛዝ ለሐን

እቤሉ አገድ ግሩሻቹ እንዴ ነሰኣኮ እግል ኢጊሰ ምኑ። “ርሶ ሳዐት ወሐደ ዲብክ እት ርሶ ሳዐት ክም ተቅዩር ክም መጽእ ይተአምር? እት ርሶ ሳዐት፡ ናይ ሰኒን አመልሂት እግል ለአክተልፎ ቀድሮ፡ ናይ ሰኒን ዕድዋን እግል ልትዓረው ቀድሮ፡ ሐያትክ እግል ትደመር ቀድሮ፡ ድምርት ለዐለት ሐያትክመ እግል ትትዐመር ቀድሮ፡ እት ርሶ ሳዐት ክም አፍካር ልትፈከር ወክም ሕልም ልትሐለም ወእት ፍዕል ልተርጀም? እት ርሶ ሳዐት እትለ ዐለም ክም መይቶ ወክም ልትወለዶ? እት ርሶ ሳዐት. . .” ሰጋዱ እንዴ ነክነከ በዋረ። አነ ወስ ልብል ክም ርኤክወ ሐር ቅርብ እቤ ምኑ። ህቲ ላኪን ሳዐቱ እግል ልግነሕ ቱ ወስ ለቤሉ። ሐቆ እለ ግሩሼ እንዴ ሀቤኒ ፡ ሸበህ ፊነ ሂገ ቤሊን። “ወልዩ የምክን እብ ዐቅርንዬ ለከበትኮክ እግል እምሰለክ እቀድር፡ ላኪን ሳዐት-

ህያብ ጠቢዐት ቲ። እት ገበይ መትነፍዐቲ ላኪን ምን መጅተመዕ -እት መጅተመዕ ወምን ነፈር እት ነፈር ሰበት ለትፈናቲ ለትፈናተ ነቢር ወደረጀት እግል ለህሌ እግልን ቀደርን። ሰበት እሊ እብ ወቅት ኢትተልሄ። ሳዐት ህዩ ለዐቤት ምህዞ ሰበት ተ አው ኢትዛበዩ አውመ እት ሀደፍ ምህህህ አውዕለ” ቤሊኒ ወአሰክ አካን ጋሪቲ ክባባይ ገብኣ ምንዬ። አነ ሰኒ ተአዐጀብኩ፡ ምን ለአቡዩ ለአኪያ ዲብዩ ሰላዲ ወለዐል አምር ከሰብኩ። ግሩሽ ናይ ዶሉ ፍተሕ እግል ቲዴ እበ ትቀድር። ለእናሰ ሀቤኒቲ ደርሰ ላኪን ምእት ዕጽፍ ናየ መጽተኒ ግሩሽ እንዴ ደፍዐክወ እግል እርከቡ ይእቅድር። እብ በይንዩ አሰተንተንኩ፡ ለሳዐት እብ አማን መንፈዐተ እንዴ አመርኮ ዙቡዩ አነ ወለእግል ሰርጎ ምስል ርሕዩ አበልበልኩ። እብ አማን እግል ሰርጎ እትነፈሶ እበ ክም ዐልኮ በሊሰ ምን እናሰ ረከብኩ። አነ ሳዐት እንዴ ይእትዛቤ እብ ወቅት ብዙሕ እት ሐሰር ይዐልኩ። ወሐቆ መትዛባይ ሳዐትመ ለክምሰልሁ። እግል ወቅቹ እብ ዋጅብ እብ ኢመትነፍዮቹ ህዩ ምን ክም ፈረሰ ክም ተረፍኮ ተአከድኩ። አነ እግል ለጉበኣ ሸቅል ምን ሸቅል ቤት መድረሰት እንዴ አንበትኮ ፈጅር እሸቅዩ እት እብል ደነግብ እተርፍ ክም ዐልኮ ትፈሀሚኒ። እት ሐንገልዩ እንዴ ሞተው ለመሸመሸው አሕላም ወእግል ሊሙቶ ሴንጎ ለሀለው አፍካርመ ሰብብ ሞቶም ወሴነጎቶም ኢንዝምት ገበይ መትነፍዐት ወቅቹ ክምቲ ኢትሸከኩ።

ምን ሳዐት እለ ህዩ በዲር ለይአምረ ፈርሀት ጅወላብሰተኒ። ፈርሀት ምን ሞት እብ አካኑ ለኢበጽሐ ሕልምዬ ወአፍካርዬ። አዜ ሳዐትቹ አክል ሕድ እግል እበርምጅቲ ወምን እለ ደቂቀት እለ ወቅቹ እብ ዋጅብ እግል እትነፈሶ እቡቲ። እግል ዐብደለ መልህዬመ ህያብ ሳዐት እግል ሀ ቡቲ።


ሞደ



በልሰ ዲብዩ። “ሳዐት ሰቦ ወርሶ” በለሰኮ ዲቡ ሳዐትቹ እት እፈዋን ። “ከአዜ ኢተአከርኮ ትብል ህሌክ” ቤሊኒ ዕንታቲ እት ለአፋዝዝ። አነ እብ

ሳዐት ቲ። እግል አተአፍዋረከመ በርናምጅ ዐለ እግልዬ ላኪን ሳዐቲ ሐልፈት፡ እት አክር ወቅት እግል ክሉ እብ መሳዋት ለትህያቡዩ ለዐበ

ትግራይት ወወሳዐተ ከረን
 ከረን፡- ዶል ትትበህል አዩ ነፈር እት ፍክሩ ለትመጽኡ መዲነት ከረንተ። ላኪን እብ ህግዩ ትግራይት ከረን ፡ እግል ርሰሐት ተብል ትትበህል። አውመ እት አንፍ አጃኒት ነአይሸ ወለኢነድፎ ዐባዩ ለልትርኤ ረሸን ይቡስ ቲ።



እንዴ ሞተ ለሐዩ ነፈር

ዎርት ነፈር እት ለፊመ ድዋራት ምውዳቅ ጸሓይ ሩሲያ ሞተ እንዴ ትብህለ ወሻሃደት ማይታም እንዴ ትከተበት እግሉ እት ተላጀት ገናይ

እለ ብቆት እለ እት ሰዋሕል ለፊመ ምፍጋር ጸሓይ ሩሲያ Khasanky ለሳደፊት እቱ ድዋር 35 አልፍ



ክሩይ እት እንቱ ካልእ ወክድ ምን ሞት ሰበት ሐሰሳት እግል ብዝሓም እትዕጁብ ክም ህለ ሽበክት ሐብሬ ሩሲያ በህለት ሩሲያ ቱደይ ሸርሐት።

እሊ ነፈር እሊ ለጀሬት እቱ ብቆት ወብዕድ እንዴ እት ወግም አተ ሐካይምለ ድዋር ካፍየት መራዐየት ወፍሐሳት ሰበት ኢወደው እግሉ ሞተ እንዴ ቤለው ሽሃደት ሞት እንዴ ሀበው እት ተላጀት ማይታም እንዴ ትገዝ ምስል ብዕዳም ማይታም እት ገይዝ ለልትክብ እት ቤት እት አተዉ ወክነት ጸብጠ እት ሰንዱቅ እብ ተላጀቱ።

መዋዋኒን ሩሲያ እት 4100 ኪሎ ምትር እንዴ ትፈንጠረው ነብሩ።

ለነፈር ዓፍየት እት ትደሀር ወእት ሽብህ ሞት ክም በጽሐ መልህያሙ ሰዳይት እስዓፍ ወሰብ መቅደረት ዓፍየት እንዴ ትላከው እግሉ፡ አስክ መርከዝ ዓፍየት ክም ጌሰው እቡ ለእቱ ጸንሐዎም ሐካይም እንዴ ሰኒ ኢልርእው ሞተ እንዴ ቤለው እት ገይዝ ለልትክሬ እቱ ተላጀት ሞት እቱ ክም አተዉ ሐበረው።

አምዕልክ ህሌት ለትብህለ እብ

ቀለሉ ሰበት ኢገይሱ እሊ ምን ሞት ለደሐነ ነፈር ምን ሞት ወሸከር ክም ሐሰሳ ነፍሱ እት አካን ጭንቢ ወእት ሰንዱቅ ሰኒ ቅሩር እክርርት ወእት ምድር እብ ጽልመት መንቅራይ ዕንክ ለኢትርኤ እቱ ክም ረክብ እሊ ላተ አምር ደሐን ኢኮን እንዴ ቤለ ሰዳይት እግል ልርኩብ እንዴ ቤለ መውዲታት ክም ወደ፡ ዋርድየትለ ገይዝ እግሉ ሐካይም አሰኦሉ።

ሐካይም ዶለ ሰልፍ ልትራኤክ ህለ ምንመ ሚለው ግራሁ ፖሊስ እንዴ ትላከው ለጋሪት ሐበረዎም ወፖሊስ እግሉ እናስ እት ተላጀቱ ቀርበው ወረክበው።

ለፖሊስ ባብለ ተላጀት ዶል ፈትሐው፡ እሊ ኢኮን እናስ እብ አርወሐቱ እት ተላጀት እንዴ ትከረ ክሌሕ ምሌሕ ልብል።

እሊ ለርአው ፖሊስ እግሉ ነፈር እብ ሽፋግ ምን ተላጀት እንዴ አፍገረው አስክ ቤቱ ሳርሐው። ለነፍር ለዶል ለቤቱ አቅበለየ ክትረት ለእለ ድንጉጽ ዐለ ለነፈር ለባብ ፈትሐ እግሉ መልህዩ እት እንቱ እንዴ ኢፈርግ ሐልፈዩ ከኩብድለ ቤት አተ። እሊ ለርአው አዳሙ ወመልህያሙ እብ ፈርሐት ፍንቲት መናሰበት ዐዘመት ወደው እግሉ።

ፍንቲት ሞገዕት ሰወር

እብ ገበይ ሞገደልክ ምርት ምን ፍክር ለትነስኡ ሰወር በደል እት ለአምጽአው ወመሀዘው ሚሞሪ (ዛክረት) ሞገደልክ ምህዘት ክምሰለ ሐበረዩ



ተአክቡ መባሸር እንዴ ትጠብዐ እግልክ እት እዴክ እግል ትጽብጡ ለተአቀድር ገበይ ሞገዳት ምህዘት ህሌት።

ለበዝሓ ዶል መትነፍዐት እሊ ተለፋናት እሊ ለትፈናተ ሰወር እግል ልንስኡ ሰበት ቀድሮ፡ ወለ ሰወር እምበል እብ ዕንክ ትርእዩ እግል ትጽብጡ ወትምለኩ እብሊ ህዩ

ክእነ እግል ሊዴ ለቀድር



ጅንሰ ሞገደል ዐውሉ 150 ዶላር እት ገብእ፡ ክም ከረ ኣይፎን 5, 6 ክምሰልሁመ ሳምሶንግ ወጋላክሲ 4,5,6 ቶም።

እግል ተሀብ ምኑ ወትካፍል መቅደረት ሰበት ይዐለት እለ ጋሪት እለ እግል ባልሐት ለመሀዝናሁ ቱ እት ልብል ወደሐ።

ቀደም 10 ደቂቀት ሽን ከደን እግል ቲሽን ለልሐብረክ ጅሃዝ

እሊ እት ጃፓ ለትሸቀ ሐዲሰ ምህዞ ቀደም 10 ደቂቀት ሽን ከደንክ እግል ቲሽን ዱላት ክም ህሌት ለልሐብረካ።

እሊ አሳሰ ምህዞሁ ያባን ላቱ ጅሃዝ ሽሪካቱ እት ካሊፎርንያ አሜሪካተ ለህሌት።

እሊ ጅሃዝ እሊ እት አምዐይትክ እንዴ ከፊካሁ ምስለ ሞገደልክ እንዴ ትጸበዋ ምን ሐረከት አምዐይትክ ሚዶል ሽን ከደን እግል ተሀብ ክምቱ ለሐብረካ።

እሊ ምህዞ እሊ ለልአስሕቅ እግል

ልግበእ ቀድሮ፡ ምናተ እግሉ እብ ለትፈናተ አሰባብ እምበል ዕርፍ ከድሞ ለልውዕሎ ሽቃለ ለሐሰ ምህዞ ክምሰል ገብእ ልትወደሕ። እግልሚ እሎም እምበል እብ ሽቅል እብ ብዕድ መጣልብ ርሐም ሰበት ኢልሸዕር።

ለሰብ መቅደረት እሊ ምህዞ ክምሰለ ሐበረው፡ እሊ ጅሃዝ እሊ እግል ሰዳይት ለትዳላ እት ገብእ እብ D Free ለትብል ሰሜት እሙር ክም ህለ አፍህመው።

ለበዝሐነ እት ሽን-ከደን ምን ገብእ ወሽን-ማይ እት ወክዱ እግል ኒሺንን ለህለ እግልነ ፈህም ሕዱድ ሰበት ገእ እብ ገበይ

እሊ ሐዲሰ ምህዞ ሽን እት ወክድ እግል ኒሺን ለቀሰበና ሰበት ገብእ እት ራሐትነ ወዓፍየት ገርብክ ዐቢ ተቅዩር እግል ልግበእ ቱ።

እምበል እሊመ እሊ ጅሃዝ እሊ፡ እግል ሕመማም ትእይሽ ወዐባዩ ዕምርመ ለሰዴቱ። ሰበት እሎም ሰዳይት ብዕዳም ሰበት ልትጸበር ቱ፡ እግል ወክድ ሽንቶምን።

ለሽሪካት ዐውላ ምህዞ እግል አርከሰት ምን ውዳይ ሰን ሰዳይት እንዴ ጠልበት ዐውላ ጅሃዝ እብ 200 ዶላር ክም ልትዘቢ እግል ቲደዩ ተሐክ ክም ህሌት ሐበረት።

50 ሰነት እት ደብር

እምከ ለትፈትየ አንሳይት እግል ትህዴ ዶል ኢትሰምሕ እግልክ ሚ ወወዴክ? ለአቤር እናሰ ባንፍዮ ምን ሰካን አሰዶ እት ያባን እንዴ መጸ እት ሐቱ ቀርየት እግል ልንበር ክም አንበተ፡ እት ቀርየት ሐቱ ሻበት ፈተ፡ እብሊ ህዩ እግል እለ ፈቱ ለዐለ ያባይት ሻበት እግል ልህደየ ሰበት ቀረረ፡ እግል እሙ አሰኦሉ።

እሊ እት ወልደ ሰይጠረት ለትፈቱ ወለትደይሩ እሙ እሊ

ረአይ እሊ ሰበት ኢትከበተቱ፡ ለወለት ክም ኢሊህድየ ሐበረቱ። እትሊ ወክድ እሊ ወልደ ልቡ ሰበት ተዐመመ ምኑ ደ ወእግል ሊደየ ለቀድር ሓጃት ሰበት ይዐለት፡ እምበል ምራዱ ምን ቀርየት አስክ ዎርት እት ድዋር ለዐለ ደብር ውቁል ዐርገ ወእት ርሽመትለ ደብር እብ በኑ እግል ልንበር አንበተ። ለነፈር እትሊ ወክድ

እሊ እት ደብር ሐድ 55 ሰነት ዋዲ እቱ ህለ። ምን አዳሙ እግሉ ልጋንሕ ለትበገሰ ነፈር 2 አምዕል እብ እገር እንዴ ሳፈረ ሳሳት እቡ አስክለ ደብር እንዴ ትመንቀሻ ሐቅ ብዝሕት ጅርሰት ቱ ለረኩቡ።

እሊ ዮም እናስ ድግለል ጋብእ ለህለ ነፈር ምልኩ ለገብአየ ወህቱ ለአፍረየን 40 ብግዕት ማልክ ህለ።

